



ordinis praelatum praedicatorum
A MONSIEUR

le Reuerendissime Cardinal, de *mus. C.*
Meuldon, euesque d'Orleans, *Tab-25*
maistre de l'Oratoire du Roy,
Blaise de Changy, son humble *PAR-20*
seruiteur, Salut.

inlev. catal. 29 Mar. 1704



Onsiderāt luyte, in
comparable des bon
esprits (tresleuer
Prelāt) de la docture

desquelz vn fruct copieux est
respandu par l'universel monde
non seulement au moyen de la
rhetorique Grecque & Latine,
mais aussi par la celebration de
nostre langue Françoise, la quel
le de iour en iour copieusement

A 2 est



est illustree, ie nay sceu aucune-
mēt restraindre lardeur de mon
vouloir, à ce quen lœuure pre-
sent (traduction de Plinē) ton
nom illustre ne fust apposé, à fin
que avec plus grād lustre, il fust
mis en lumiere, & présenté aux
yeulx clair voyans de ceulx, qui
des bonnes lettres ont entiere
congnoissance : entre lesquelz
(preuoyant que ta nature est en-
cline, à supporter, ceulx qui des
Muses sont amateurs) iay prins
la hardiesse, ceste nouuelle tra-
duction te dedier. Cest vn petit
ouurage paternel, cest vn petit
labour de mon pere, qui apres
son deces (entre ses autres la-
beurs) est tombé en mes mains,
cest vn sommaire des singulari-
tés de Plinē, extirpé & ex-
cisé

des seize premiers liures de sa naturelle hystoire, dont la matiere est si exquisite, & conuenable à l'homme, que iay pensé la publication dicelle, estre merueilleusement necessaire aux lecteurs: & ne voulât defrauder l'autheur dicelle profitable traduction, ie me suis efforcé la faire diuulguer, & en ce faisant soubz le tiltre, de quelque magnifique & souuerain Prelat, la mettre en auant, ou il ne ma semblé bon, den preferer aucun à ta magnificence, & ardent zele vers ceulx qui militent soubz la lice de Pallas. Reçois donc (mon seigneur) ce paternel artifice: & le tout acceptant en bonne partie, donne lieu d'excuse à mon entreprinse, estimant que d'une fer-

me volonté, & deüe obeïſſance
le preſent œuure, dignement,
à ta noble prelatu-
re eſt de-
dicé.



LES SINGV.

LARITEZ DES

seize premiers liures de

Pline, historien

naturel.

*.



LINE Naturel

historien fut nay

soubz l'empereur

Tyberien, & mou-

rut soubz l'empereur

Tite, qui destruit Hierusalem apres la passion de nostre Seigneur, auquel il attribua ses oeuvres,

Au premier liure qui est bref il faict seulement ses preambules,

Au second il traite du monde

A 4 de,

de, & des autres choses. Il descript que le monde est seul & rond, immobile naturellement, combien quil y ait aucunes parties mobiles, & qui se peuuent mouuoir, par concauitez de la terre, pleines de vent. Il y ha quatre elemēts, la terre, lair, leau, & le feu en hault, par dessus lair prochain au premier Ciel, qui est feu naturel, parquoy ny fault point de bois pour le continuer. Au dessoubz de la terre, sont les planettes (que lon diēt errantes) cōbien quelles se meuuēt moins que les autres, mais cest pour la mutation de leurs influences & du Ciel, entre lesquelles est le Soleil recteur des autres planettes, principal gouuerneur de nature. Les autres estoilles ne sont à it-

tribuer (comme aucuns pēsent)
à ſçauoir les grandes, & claires
aux riches, & les moindres aux
poures, & les obscures aux defe-
ctueux de nature, car nous nauōs
pas telle ſociet  aux planettes,
quelles meur t avec nous, pour-
ce egalem t ell s ſeruent   cha-
cun. La Lune ha ſa planette ve-
nant deu t elle, comme le Soleil
qui ha leſtoille matutinale, elle
augmente & diminue, aucunes-
fois eſt au plein, & autunesfois
ha des cornes, ainſi que le Soleil
luy donne, ou oſte ſa clart : la
terre eſt entre les deux, par ce,
l n ve it de la Lune, ſelon que le
Soleil lenlumine au plein, ou au
coſtiere de la terre: elle eſt au pre-
mier Ciel, le Soleil au quatri -
me, & qu d lun eſt en hault, lau-

tre est en bas, & les autres estoil-
les sont plus hault, par ce elles
semblent estre plus petites que la
Lune. Lobscurité & macule de
la Lune, vient par les humeurs
attirees de terre en hault. Par la
geometrie de ce monde, le sta-
de contient c. x. x. v. pas, ce sont
dc. x. x. v. piedz. Aucunesfois lon
ha veu à l'apparēce, trois Soleilz,
& trois Lunes. En lair il pleut
aucunesfois naturellement des
pierres attirees par les vapeurs
de la terre, aucunesfois des rei-
nes, & aucunesfois du sang en di-
uerfes figures. La Sicoree en sa
fleur se tourne chascun iour, &
suit le Soleil: & la Formis ne be-
songne pour ferrer & amasser,
quen pleine Lune: la nature des
vents est diuerse, selon diuerfes

regions, & procedent de la terre
& vapeurs dicelle, qui causent au
cunesfois mouuement daucuns
lieux de la terre. Les fouldres ou
tēpestes ne cheent ou tōbent ly-
uer, car la froideur de lair les cor-
rompt & se estraignent : pource
plus tombēt lesté, & aucunesfois
gastēt le vin sans toucher au ton-
neau. Vne femme à Romme eut
son enfant greué & tué en son
ventre par la tēpeste, sans ce que
la mere eust aucun mal. Trois
choses ne sentēt point la tempe-
ste. L'arbre du Laurier en terre.
Laigle au Ciel, & le Veau de
mer, car iamais ne chet sur sa
peau, pource en sont asseurez
ceulx qui en sont vestus. Natu-
rellement se font prodiges & si-
gnes, en terre, en mer & en lait,
pource

pource aucunesfois il ha pleu
laiet, sang, pierres, tieulles, layne,
reines, voire grosses pierres accu-
mulees en lair par la froideur di-
celuy. Larc celeste ne demonstre
iour serain ne pluuioux, mais les
rayes du Soleil entrās en la con-
cauité de la terre, reflexit le So-
leil & faiet varieté de couleurs
par la mixtion des nuees de lair,
& se font plus souuent en Au-
tomne: aussi iamais ne sont veuz
ensemble plus de deux. La Terre
est la mere de tous viuans: lair se
condense par tenebres & nuees:
les caues donnent gresles & se
desfriuent, mais la terre est beni-
gne, seruāt à tous. Elle engendre
bledz, vins, fruietz, & toutes cho-
ses seruans à l'homme. Elle pro-
duiēt fer, plomb, or, argent, pi-er-

res precieufes , herbes feruans à la fanté, voire que fi vn Serpent ha mord vne perfonne, iamais la Terre ne le reçoit au dedens elle. La Terre eft enuironnee deaue: ce que lon congnoift plus par experience que par arguments: & aucune portion dicelle eft inhabitable par trop grand froid, deuers Septentrion: & autre, par trop grand chaleur, deuers le Mydi. Le mylieu de la Terre, cest le centre auquel toutes choses pesantes tendent , en sorte que si la Terre estoit percee de part en part, vne pierre qui y seroit iettée demeureroit au droict du centre & au mylieu de la terre, & ne yroit non plus outre le centre quelle ne remonteroit contremont. En aucuns lieux

lieux ny ha point de vmbre de Soleil, mesmement pres de Alexandrie la grande, ou il y ha vn puits profond, sans vmbre. Anaximenes Milesius feit le premier Orloge. Il y ha plusieurs signes de mouuement & mutation de temps sans grande apparence, comme en Mer quãd sans vent il y ha fluctuation de vndes : & au Ciel, quant il y ha vne ligne longue en vne nuee, & que leaue est trouble es puits. Deux montaignes ont esté veües naturellement quatir & toucher lune l'autre, cōme si elles se fussent combatues: les eaues entre deux croistre à merueilles, & le bestail y mourir. En Asie douze cités furent subuerties par mouoement & tremblement de terre, faisant ce

nir blanches, & autres eaues font les blanches deuenir noires, par continuation de en boire : & autres que les brebis qui en boiuent ont le laiët tout noir. A Linceste y ha vne fontaine deaue qui red les gens yures, aussi en Paphlagonie, & autres lieux. En lisle Dandio y ha vne fontaine qui rend vin tous les ans la premiere sepmaine de Ianuier. En Carriëse en Espagne y ha vne fontaine, que tous poissons estans en icelle eaue, semblent estre de couleur d'or, & en autre eaue font comme les autres, vne grosse partie dictë thiree naigët sur leaue. Entre les merueilles du feu la montaigne dictë Ethna en Cecil le brusle tousiours : & voit lon les flammes haultes par dessus

B le



le mont. Vne autre montaigne est dictée Himera, de laquelle le feu se estainct plus tost de terre, ou de foin, que d'eau.

ES trois, quatre, cinq, & six liures, Pline descript la terre, les fleuves, & les Isles, & diuise la Terre en Asie, Afrique & Europe. Asie contient la moitié de la terre, en laquelle sont Armenie, Cappadoce, Albanie, Suaue, ou ny ha metal que d'or. Scithes, qui ont la mer douce, & ont des arbres qui rapportent la foye preste à retordre & filer. Indie ou il y ha peuple moult riche, ilz labourent avec d'Elephants, & bataillent souuent: leur Roy ha de ordinaire, six cents mille gens de pied, trente mille cheuaucheurs, & neu. mil-
le

le chameaulx à ses gaiges, & à sa
soulde quotidienne: & quant ilz
sont vieilz, quilz voyent ne pou
voir plus viure, ilz se iettent en
vn grand feu. Oultre les Indes,
est l'isle Taprobane, ou ilz ont
la mer verte, & pierres precieu
ses à planté avec metal d'or &
d'argent. Les hommes y sont
grandz plus que ailleurs: ilz ne
ont marchandises que par signes
en permutation: iamais la Lu
ne ne leur luyt plus de six heu
res: ilz ont petitiz edifices, & ia
mais les viures ny encherissent:
ilz ont pour leur Dieu, Hercu
les: ilz eslisent vn Roy vieil sans
ensans, & si par apres il en ha,
ilz les tuent, à celle fin que leur
Royaume ne soit hereditaire à
leur Roy esleu: ilz constituent

trénte Gouverneurs sans laduis
desquelz nul ne peult estre con-
damné à mort : si leur Roy mes-
prent, ilz le punissent, ou depo-
sent. Ceste nation prend plaisir à
la chasse des Tigres & Elephans,
& abonde en fruietz & bledz :
ilz peschent volentiers es Li-
masses, qui y sont grandes, tant
que vne personne se met à cou-
uert en leurs creuses pour y de-
murer. Alexandrie la grâde fut
fondee par le grand Alexandre :
& pres dillec est la mer, que lon
dict Rouge, pour la repercussion
du Soleil, qui ainsi la coulore, ou
pource que la terre & harene est
telle, ou que cest la nature dicel-
le eaue : aussi la Syrie Arabique
ou les gens sont moult veluz &
pilleuz, fors que par la testre, &
ne

sont vestus de cuyr de poisson. Là est aussi Mesopotamie, Baby lon, Assyrie, Arabie, le fleuve du Tigre, qui prend sa naissance en vne fontaine d'Armenie. En lisle de Sigaros iamais Chien ne y peult viure, & des quilz y entrèt ilz ne font q̃ tournoyer & meurent. Les Sabiens sont riches de la fertilité de leurs forestz, de metaulx, de miel & de cire. Candiës viuent de Serpents, & en lisle de Gagande premierement furent trouuez les Papegaux. Idumee, Iudee, Hierusalem, Galilee, Syrie, Palestine, qui trouuerent premierement les lettres, & au commencement vsoyēt pour lettres de figures de bestes. Aussi sont vne nation de gens dictē Helleniens, viuās sans femmes, & sans

aucune luxure : quant ilz sont decrepités ilz se font ietter en la mer : ilz viuent sans argent , & croissent des mortz. Ethiopiens ont plusieurs formes & especes dhommes : aucuns sont deyers Orient, qui nont nés ne narines, mais le visage tout plein : autres nont point de lebure dessus , & autres sont sans langues , & telz parlent par signes , & nont que vn pertuis pour aspirer , par lequel ilz boyuent avec vn tuyau de plume : aucuns en y ha de huiët couldees de hault : ilz viuent de la chasse des Elephans , ilz sont sans oreilles , & telz ne veulēt auoir pour leur Roy quun chien, à la fantasie duquel ilz augurēt, & pronostiquent leurs faiëtz & conduïte en guerre. Deuers Oc

cidēt y ha vne nation qui na que vn œil au front : ilz sont en païs desert, & viuent de Pantheres & Lyons, & aucuns viuent de chair humaine , car ilz ont les testes quasi comme testes de chiens.

Afrique anciennement dictē Libye, contiēt les Maures, & les colonnes d'Hercules. Entre les fleuves y est Darat , qui engendre les Cocodrilles, & y ha belles forestz de arbres incongneuz, & aucuns de iceulx portent petits filetz dont lon faiēt habitz de cotton. Cyrenes & Syrtes font leurs maisons de pierres de sel, coupees es montaignes. Là est la montaigne de Giri, laquelle produiēt & engendre force pierres precieuses. En Libye, qui est au bout des Ethiopes , y ha gens

differens de la commune façon des autres: ilz ne ont entre eulx aucuns noms, & mauldisent le Soleil; pour sa grande chaleur, dont ilz sont tous noirs, excepté les dentz, & vn peu la paulme des mains, & iamais ne songent. Les autres dictz Troglodites cauet des fosses en terre, & nont autres maisons. Autres dictz Gramates ne font entre eulx aucuns mariages, mais vsent des femmes indifferemment. Galaphantes vont tous nudz. Blammes nont point de testes, mais ont la bouche, & les yeulx à la poiétrine, & en lestomac: & autres cheminent plus à se trayner par les mains, que par les piedz: là prend lon les espices, & ny ha rien que tant ilz craignent que les gros chiens

qui leur iappent & mordent. Afrique commēce oultre le païs d'Espagne, & de là le Royaume de Grenade, & est diuisé de la mer d'Europe, cōme entre Douure, & Calaiz : là commencent les Royaumes de Feoz, de Tunis, de Barbarie, de Carthage, & autres des Ethiopiens.

Europe commence des la mer Mediterranee, ainsi dictē pource que elle flue parmy la terre. Sur ceste mer, qui diuise Asie & Europe, feît faire le Roy Xerxes vn pont de nauires, tant en auoit pour aller batailler. Europe contient Rome lantique, les Itales fertilles, Venise descendue des Troycs, Grece, Thessalie, Acaye, Macedoine, Thessalie, ou il y ha vn fleuue dict Peneus, nauigable

B s en

en la moytié, car en iceluy entre la riuere d'Orcon:mais son gaue nage par dessus lautre, sans se meller, comme faiēt l huyle, & tantost Peneus le reiette. Italie ha le noble fleue du Post, portant veines d'or. Es Isles de Pont, y ha gens qui viuent d'œufz des volatilles, autres ont les piedz comme les cheuaulx, & ont les oreilles si grandes que elles leur couurent tout leur corps. Elle contient aussi Germanie, qui est la haulte & basse Allemaigne, Bourgoigne, Sauoye, Bretagne, Hibernie, la Gaule, qui est diuisee en trois parties, des la riuere de Lescault, iusques à Seine, cest Gaule Belgiq: des Seine iusques à la Garonne, Gaule Celtique, y compris le Lyonnois: & des la

Orcon

Garonne, iusques aux montaignes Pirenees, qui separēt Espagne & France, cest Aquitaine. Espagne aussi est de Europe, ou est Cathelogne, Arragon, Castille, Portugal, Ciuille, Andolosie, Leon, Gallice, & le Royaume de Grenade, iusques à la mer.

LE SEPTIESME

LIVRE EST DE

L'HOMME.



LE monde ha produit plusieurs choses, desquelles l'homme est quasi le moindre. Il ha vestu les bestes, oyseaux, & arbres de plumes, de cuirs, descailles, descorse, & autrement: mais l'homme est produict tout nud, prest

prest à plourer, mais deuant le quarātiesme iour, il ne rit point: luy qui doibt regner sur les bestes, est tout imbecile à son commencement. Il ne sçait rien sil ne l'apprend, ne parler ne sçau- roit, ne cheminer, & na aucune chose naturelle, q̃ plourer: mais naturellement les bestes sçauent chercher leur vie, fuyr leur enne- my, nager, & autres choses, de leur propre nature. Les Lyons ne font la guerre entre eulx, les Serpents ne se mordent point: & les hommes estudient à destrui- re lun lautre par guerres & dis- sentiōs, & iamaïs du tout ne res- semblent lun lautre en leurs fa- ces, qui aduient pour la diuersité des cogitations & pensees, en cō- ceuant, qui font les similitudes



de ceulx à qui lon pense, ou les
mefler: Par ce les bestes qui nont
point de telles varietés de pen-
sees, nengendrent que leur sem-
blable. Hommes sont qui nont
que vn œil au front, qui batail-
lent incessammēt contre les Gri-
phons, & treuvent en terre or, &
autres metaulx. Ceulx qui sont
en la fin de Septentrion, ne boy-
uent que en tetz des mortz. En
Albanie aucuns ont les yeulx
iaulnes, qui deuiennent chaus
de ieunesse, & voyent mieulx de
nuict, que de iour. En Afrique
en aucuns lieux il y ha multi-
tude de Serpents, dont ilz vsent,
& si le mary veult auoir appro-
bation de la preudhommie de
sa femme, il presente ses enfans
aux Serpents, qui senfuyent, silz
font

sont legitimes: mais si les Serpens demeurent, & ne craignent point, ilz sont bastardz. Quant ilz sont mordus des Serpens, ilz mettent leur saluie sur la morsure pour guarison, mesmement ou ilz sont à ieun, car le Serpent craint la saluie de l'homme, comme eau chaulde. Aucuns es parties d'Afrique ont doubles prunelles es yeulx, & silz se courroucent à regarder longuement l'un l'autre, ilz se tuent, mesmement ieunes gens. En Indie y ha de grandz hommes: aussi y ha merueilleuses bestes de grandeur, tel moings les Chiens, qui y sont grandz comme Asnes, les arbres aussi haults qu'un Archier peult tirer: & soubz vn seul Figuier se mettent à lombre plus de cent

cheuaulx pour la fertilité de la terre, l'attrempance de l'air, & l'abondance des eaues. Il y ha hommes de cinq couldees de hault, qui ne crachēt point, & sont peu souuent malades : autres sont es montaignes à testes de chiens, là les femmes ny enfantent iamais quevne fois, & autres ont le pied si large que ilz sen couurent du Soleil quand ilz sont couchés. Autres vers Occidēt nont point de testes, & ont les yeulx es espaulles, & autres y ha de vne couldee de hault seulement, tant sont petits. A l'extremité d'Indie, deuers Oriēt, vers la fontaine Gangis, y ha vn peuple vestu de fueilles, viuant seulement de aspirer de l'odeur quilz attirent des narines, ilz ne boyuēt ne mangēt en leur chem

chemin, ilz portent fleurs & racines pour odorier, & facilement meurent de mauuais odeur, là sont petis hommes, dont le plus grand na trois paulmes de hault, qui ont tousiours le Soleil clair au long des mōtaignes, lesquels sont molestés des Grues (comme dict Homere) parquoy nest de merueilles si souuent les emportent. En printemps ilz se assemblēt montés sur chieures & moutons, armés de dardz & faiettes, pour descendre à la mer, & par trois moys consomment les œufz & les petitz desdictes Grues, autrement ilz ne pourroyent resister tant se multiplieroyent. Ilz font leurs maisons de fanges, & de plumes destrempees de glaire d'œufs. Aucuns sont es valees qui

vivent

viuēt deux cens ans, & plus vieil
lissent, plus leurs cheueulx deuiē
nent noirs: leurs femmes enfan-
tent à sept ans, & y ha gens qui
naissent avec queues moult pil-
leuses. Ces choses & autres ha
faict nature monstrueuses pour
nostre passetemps. Entre les fem-
mes y ha enfantemens diuers: au-
cuns ont eu six enfans, les autres
sept, & dautres huiēt: & aucunes
fois enfans des doubles sexes, que
on diēt Hermafrodites, qui sont
homme & femme. Vne ha esté
trouuee faire en sa vie trente en-
fans: & entre les merueilles de ce
monde vn enfant, des que il fut
nay, rentra au ventre de sa mere
en la ville de Sagonce: & nest pas
chose fabuleuse dauoir veu fem-
mes, ou filles estre muees en hō-

C me,

me, les femelles sont plus tost engendrees, que les masles, comme plus facilement elles vieillissent. Les femelles se meuuent au ventre de la mere le plus du costé fenestre, & les masles du costé droict. Et recite Pline auoir veu vne fille le soir de ses nopces, naturellement muce en homme, tan tost luy croistre la barbe, & se remarier à vne femme. Aussi ce que lhōme ha en dehors, la femme l'ha en dedens. Si vne femme porte deux enfans dune ventree souuēt il y ha br̃eue vie à la mere, ou à lun des enfans: & si les deux enfans sont masles, ou femelles tous deux, communemēt sont de petite vie. Entre les femmes ny ha certain temps prefix denfanter, car les vnes enfantēt à sept

sept moys, les autres à huiët, communement à neuf, aufsi aucunes fois à dix & vnze moys. Deuant le feptiefme moys l'enfant na vie, le dixiefme iour apres auoir conceu douleur de teſte, obſuſcation des yeulx, faſcherie de viãdes, redondation deſtomac, ſont ſignes de cõmencement dhõme. La mere qui porte le maſle ha meillieur couleur, & plus facile deliurãce. Le bailler eſt ſigne mortifere à lenfantemẽt, & eſternuer en la cõception procree abortif. Miſerable eſt la cõdition de lhomme, car les Princes par telz cõmence mẽs ont leur origine, & ſont ſubieëtz à fortune, & à nature, cõme autres. Nous liſons que vn Prince Romain mourut en ſe chauffant le matin, vn autre de la morſure

fure dun serpent , lun à manger
dun raisin , lautre fut estranglé
dun poil en mangeant du lait.
Scipien Africain fut le premier
appellé Cefar, pource que(cæsus
fuit matris vterus)le ventre de sa
mere fut ouuert pour le passer.
Les animaux, hors la femme, peu
congnoissent le masle quant ilz
ont cõceu. Aucunes femmes ont
enfanté à neuf moys , & deux
moys apres vn ou plusieurs. Vne
engendra vn mesme iour deux
enfans , lun semblable à son ma-
ry, lautre semblable à son procu-
reur. De gens contrefaiëtz en na-
ture viennent enfans parfaïëtz
en leurs membres , & aucunc-
fois de gens parfaïëtz naissent
contrefaiëtz. La femme nengen-
dre plus apres cinquante ans , &
plusi

plusieurs sont qui cessent à quarante ans : quant aux hommes nous lifons vrayement à quatre vingtz six ans vn Prince auoir eu vn enfant. Quand Caton fut nay son pere auoit quatre vingts ans. Aux enfans les dentz leur viennent communement à sept mois, le septiesme an elles se renouellent, car elles cheent, & en reuiēt d'autres, & aucuns sont nays avec dentz : & si lon brusle vn corps les dentz ne bruslent point, mais demeurent en leur entier. Par medicine on les faiēt deuenir blanches. Les dentz se vsent, & en aucuns deffaillent à my aage. Cōmunemēt l'homme en ha trentedeux, & qui plus ha de dentz, plus est estimé longuemēt viure. Zoroastes ha esté seul

qui ha esté veu rire le iour quil fut nay, voire que de force de rire il reietta la main que on auoit sur sa teste par lesmotion de son cerueau. Homere recite, que chascun iour les corps diminuent de haulteur. Lhōme est aussi grand des piedz iusques à la teste, quil ha de largeur à estendre les bras, à compter des les grands doigts. Les hommes pesent plus que les femmes : les corps mortz pesent plus que les viuans, & les dormāns plus que les veillans. Aucuns viuet sans mouelle en leurs oz, parce ilz nont iamais soif, pource boyuent moins les femmes, que les hommes : & telz ne emettent ou rendent point de sueur. Lon recite de Crassus le Senateur, iamais nauoir rit, & dautres aussi.

Socra

Socrates grād clerc ne fut iamais
veu ioyeux, ou courroucé, lune
des fois plus que lautre, par ce
sont les complexions moult di-
uerses. Lon ha veu à Rome vne
Princesse iamais ne cracher, vn
autre ne iamais eruēter. La force
des hōmes ha esté grande, & plus
en lun quen lautre. On liēt dun
qui à vne main retenoit vne char-
rette, tellement que trois che-
uaulx ne la pouuoyēt faire aller
auant. Hercules portoit son grād
mulet, Saluius portoit deux cens
à ses piedz, deux cēs à ses mains,
& deux cens sur ses espaules, ain-
si chargé de six cēs liures pesant,
montoit cōtremont vne eschelle.
Pline diēt auoir veu vn nommé
Athanatū porter vne cuirasse pe-
sant cinq cēs liures, & cheminer

par la ville de Senes à deux folliers , chascun pesant cinquante liures. Milon mettoit son pied en vn lieu , duquel on ne trouuoit homme qui leust peu faire desmarcher : s'il tenoit vn baston à vne main, il ny auoit hōme qui luy sceust arracher. De courir il y ha eu gens moult legers , qui couroyent mille stades par iour, & dauantage . Aussi en y ha qui ont eu la veüe moult singuliere. Nous lisons dun homme des le pais de Cecille , qui est deuers Orient, compter les nauires qui partoyent de Carthage, pour entrer en mer deuers le Mydi. Cicero recite dune bataille incluse & insculpee en vne noix ; tant estoit menue la figure. Mermedes feit vne charrette complet-

te, si

te, si menue que vne mouche la couuroit, & vne nauire que vn bordon couuroit de ses deux aelles. Aucunes gens pour vray, ont ouy des batailles de cinquante lieües de loing, car ilz racomptoyent au temps & heure des assaults, ce pendant quilz se faisoient. La memoire ha esté singuliere à plusieurs. Cyrus Roy de Perse eut la memoire de sçauoir appeller par leurs noms, tous ceulx de son armee. Mithridates Roy parla pour vn iour à son peuple assemblé, en vingtdeux langages diuers sans truchemēt. Autres perdēt leur memoire par fantasies, ou autrement ont oublié leur sçauoir. Messala Orateur oubliä par grieue maladie, ses sciences, voyre son nom, en

forte quil ne sçauoit dōt il estoit. Merueilleuse estoit la memoire de Iules Cesar , qui nommoit à quatre escriuantz à vne fois , & ce pendant il lisoit , escriuoit , & oyoit, & sil nauoit autre affaire, il nommoit à sept. Cinquante-deux fois il batailla, & Marcelle quarante fois. Cesar en ses batailles est reputé auoir faict mourir de ses ennemys vnze cens nonan tedeux mille hommes. Pompee raut & osta aux Pirates & larrons de mer, cōtre lesquelz il fut enuoyé par les Romains , huiēt cens quarante six nauires. Encores Cesar eut ceste cōstance, que les lettres de Scipion qui luy escriuoit , pour faire trahison à Pompee, il les ietta dedās le feu, sans iamais les vouloir lire. Ca-
ton

ton fut quarantequatre fois accusé enuers les Senateurs de Rome, & tousiours absoulz. Sicinus dictateur de Rome soustint fix vingtz batailles, il eut quarante cinq playes au deuant, & iamais nulle par derriere. Sergius fut grand debellateur, il deliura Cremonne du siege, garda Plaisance; print en Gaule douze Chasteaulx & villes. Il eut la main droicte coupee, & en feit vne de fer, de laquelle il batailla encores quatre fois. Choses pitoyables se treuuent dignes de memoire par tous pais, entre lesquelles vient à reciter que vne femme prinse à Rome pour mettre au dernier supplice, & mise en prison estroicte, sa fille impetra du Geolier de l'aller veoir chascun
jour

iour, mais elle estoit visitée si elle luy portoit quelque chose à manger, à la fin fut trouuée, que chascun iour elle allaietoit sa mere, & pour à ce satisfaire auoit trié & seuré son enfant. Les Senateurs de ce aduertis pardonnèrent à la mere, pour la vertu de la fille, & leur constituerent alimens leurs vies durant. Merueilleuses sont les operations des humains, entre autres des painctures singulieres, qui tant approchèt le vif, quil ne leur reste que la parole. Le Roy Attalus acheta vne table dun painctre singulier, cent marcZ d'argent. Cesar en acheta deux, huiët cens. Laage des hommes ha esté reputé grand par les anciens, qui nommēt Princes & Roys, auoir vescu

fix cens, huiët cens, & mille ans, mais cest par la varieté des ans, car aucuns font lan de l'Esté, & vn autre de l'Hyuer : & autres font lan de trois moys, cōme les Arcadiens. Et ne se fault arrester aux planettes & cōstellations du ciel, car à vne mesme heure, plusieurs naissent seruiteurs & maistres, Roys & plebeiens, fortunés en diuerses sortes. Plusieurs exēples auons de maladies. Cornille en dormant & songeant quil ne veoit goutte deuint aucugle, & perdit la lumiere. Aucuns ne viuent que demy aage, & autres meurent en ieunesse : & Nature ne preste rien meilleur que brieueté de vie. A longuement viure les sens hebetent, les mēbres ont douleur, les veüe, ouyr & chemi-

ner

ner cessent , & meurent preallablement, les dents aussi, & les instrumens des viandes , parquoy vieillesse nest que peine , & si est ce temps compté pour viure : & ne lisons point meilleur exemple, que de Zenophile musicien, qui vesquit cent cinq ans , sans maladie . Les signes de la mort sont , rire en la griue fureur de la maladie , plier des doigtz la couuerture , & autres choses , le poulx tremblant , se vuyder par derriere en dormant, sans ce que le patient le sache , le regard affreux. Et pource que par experience nous voyons signes innombrables de mort, il ny ha aucune seurte. Les maladies sont diuerses aux hommes vieilz & ieunes. Syrius mourut par la multitude

tude des Serpents sortans de son corps. Ancuns ont eu fieure toute leur vie. Mecenas fut sept ans à la fin de ses iours, sans dormir. Antipater vesquit longuement sans maladie, excepté que à tel iour quil auoit esté nay, il auoit chascun an la fieure, de laquelle il mourut lediët iour. Nous lisons dun qui ha vescu C L V I I. ans, qui dormit en son ieune aage L V I I. ans, & se resueilla cōme sil neust dormy que vne heure. Autres sen sont retournez à pied à part eulx, du lieu on lon les auoit porté pour les enterrer. Pompee feit coupper la teste à vn homme, qui parla vne heure apres que la teste fut mise aupres du corps, à son maistre dhostel, & à plusieurs de sa maison.

La

La mort est repentine : Aucuns sont mortz de ioye, hommes, de ioyeuses nouuelles, de victoires : & femmes, de veoir leurs enfans. Le pere de Iulius Cesar mourut en se chaussant le matin, qui n'auoit aucun mal. Les vns en beuuant, les autres en escriuant, plusieurs en esternuant, & autres en diuerfes manieres, cōme voyons chascun iour par experience. Anciennement on mettoit les corps en terre, mais pour les frequentes batailles des Romains, qui auoyent tout le monde en leur subiection, lon commença à brusler les corps. Entre les hōmes Liber pater trouua le commencement de vendre & acheter aussi les diademes des Roys, & triumphes. La dame Ceres trouua

trouua premiere le moyẽ de faire les fromẽts, & les faire moudre, pource fut elle appelee Deesse, car parauant lon vsoit de glandz. Les Afsiriens trouuerẽt les lettres pour escrire, mais linvention est des le commencement du monde. Deux freres d'Athenes cõmencerent à faire des maisons de lates & de terre, car parauant ilz viuoyent en cauernes, & prindrent exemple aux yronnelles, qui en font leurs nids. Cynira filz Agriope trouua les metaulx darain, de cuiure & de plomb : il en feit premierement forces, marteaulx, enclumes & verroux. Danaus fut premier en Grece, qui feit faire des puitz pour auoir eae. Thrafon feit les premiers murs & tours. Les Ly-

D diens

diens trouuerēt le moyen de habiller laines. Closter trouua les fuseaulx : Arachné trouua le lin & la toille. Egyptiens lart de medicine. Lydus de temperer & mesler larain. Erichthonus Athenien trouua largēt. Cadmus lor en la montaigne de Pangee. Les Cyclopiens premiers besongnerent de menus ferrements. Corebus Athenien, de potz de terre. Theodore Samyen, trouua les premieres clefz. Palamedes, les mesures et poix. Phriges, les charrettes & chariotz. Peni, les premieres marchandises. Les Atheniēs, cultiuer les vignes & les arbres. Staphilus, mesler leaue au vin, Aristeus, faire huyle & miel. Briges d'Athenes premier lya les Bœufz à la charrue. Les Lacedemo

demoniens trouuerent les har-
nois de guerre, lances, espees, bou-
cliers &c. Cares, larc & les faget-
tes. Les Pheniciens, les fondes &
arbalestes. Bellorophôs premier
monta sur les cheuaulx. Palame-
des es guerres Troyennes trou-
ua premier lordre des enseignes,
de donner signes, & faire guet.
Licaon trouua les treues. Iason
premier nauigua sur Mer à lon-
gues Nauires: parauāt on les fai-
soit petites de bois & cuirs, &
depuis lun ha adiousté le maz,
lautre la voile, & autres plu-
sieurs choses vtils, que lon ha
congnu par experience estre ne-
cessaires. Les premiers Orloges
furent faiētz à Romme deau, se-
lon le tour du Soleil, & depuis
reduiētz es maisons, cōme il est

de present, qui fut chose moult
aggreable es Romains. Finable-
ment Pline estime que entre le
sçauoir de l'homme quil peut
experimēter, il ny ha telle sça-
cité en lhōme de quelque estat
quil soit que de se congnoistre.

LE HVICTIESME

LIVRE EST DES

animaulx ter-
restres.

★



N la terre ny ha plus-
grand beste que l'e-
lephant prochain au
sens humain: ilz ont
entendement pour entendre le
langage de leurs pais, ilz ont obe-
dience & memoire de leurs offi-
ces & de leurs charges: jamais ne
passent

passent la Mer premier que leur maistre & gouuerneur promet de les ramener : ilz se mettent à genoulx pour estre chargez, & portēt les littieres des Dames en probité, prudēce, et equité. Leurs dentz sont yuoires, les autres oz, combien que lon en face ouurages: ilz sont pleins de clemence, & se ilz obuient à vn homme seul esgaré, ilz le cōgnoissent, & le mettēt parmy la forest en son chemin: mais silz treuuent train de gens qui les veulent chasser, ilz congnoissent naturellement leurs ennemis, comme font autres bestes. Les Elephās ne commettent adultere, & se mustent pour couvrir leurs femelles: elles portent deux ans leurs petitz, & iamais les femelles nen portent

que vn en leur vie : ilz viuent
deux cens & trois cens ans. Ilz
ayment les petites eaues & fon-
taines, car pour leur grādeur ilz
ne ſçauent nager. Ilz craignent
fort le froid : ilz mangent terre
& pierres : ilz iettent à terre de
leurs frōcz les arbres pour man-
ger le fruiēt. Ilz haïſſent entre
les beſtes les ſouritz, & ne man-
gent ce qui eſt en leur creſche, ſe
ilz y voyent paſſer vne ratte : ilz
naïſſent au bout d'Afrique, & les
plus grāns en Indie, ou il y ha
Dragons ſi puiſſans quilz com-
batent les Elephās. On les dom-
pte par famine, & quād ilz ſont
domptez, ilz portent des tours
ſur leurs dos en lieu de ſelles,
pour y mettre ſix ou huiēt hom-
mes. Et en Oriēt en font la pluſ-
part

part leurs batailles, combien que
filz sont bleſſez, il ſen retournēt.
Ilz en eurent à Rome : mais ilz
les firent tuer de tretz, car ilz ne
les vouloyēt nourrir ne donner
es Princes. Iamais ne ſen vont à
part, & ne nuyſent aux autres be
ſtes, avec lesquelles ilz conuer
ſent. Les Ethiopiens en font leur
venaiſon, & les tuent de tretz &
dardz quilz leur tirent par le
deſſus des arbres, par ou ilz doy
uent paſſer, ou es foffes en terre
couuertes par deſſus. Ilz ne ſe
couchent point, mais dorment
cōtre les gros arbres: & là ou lon
congnoiſt leur giſte & repaire,
lon cye larbre ſi auant que quād
ilz viennent dormir contre lar
bre, il rompt, & ilz tōbent à ter
re, lors on les tue, car iamais ne ſe

peuvent releuer:le sang des Elephans est moult froid,pource les Dragons du païs s'assemblēt par fois sur leurs oreilles, & sur leur corps, & tant sucent le sang que ilz en meurēt. Dragons sont en Ethiopie,de dix couldees de longueur,& en Indie lon ha trouué Serpēs de cent piedz de long, & aucuns voler par lair iusques à surprendre les oyseaulx volans. Afrique ha plusieurs cheuaulx sauvages en grosse multitude,& Asie Asnes semblables à Iumēs, ne fust la grandeur des oreilles. Ainsi le descript Aristote le sage, qui fut cōmis par Alexandre le grand, pour descrire la diuersité & nature des bestes.

Le Lyon, est plein de noblesse & de clemence. La Lyonne-
se

se pour la premiere fois quelle porte , en faiët cinq. Lan apres, quatre, puis trois & deux : & quand elle en ha porté vn seul, elle cesse de porter. Les petits sont deux moys sans mouuoir, & six moys sans cheminer : ilz assaillent plustost les hōmes que les femmes, & non les petits enfans que par grand famine. En vieillesse ilz ayment & suyuent les hommes, quand ilz ne peuvent plus chercher leur proye, & viuēt iusques à ce que les dentz leur tombent. Par leur clemence ilz ne demandent rien à ceulx qui se prosternent en terre deuant eulx, & sont mitiguez par prieres (comme auons veu) par l'experience des femmes qui se nommoient estrangeres & po-

D s ures

ures vacabondes : mais ilz sont fiers à ceulx qui se eslieuent contre eulx. Leur queüe demonstre leur amytié ou fureur, cōme les oreilles es cheuaulx, quand il est chassé, jamais ne se mussé : il con-
gnoist & poursuit entre les autres, celuy qui l'aura blefsé. La femelle si ses petis sont prins, ferme les yeulx cōtre ceulx, qui les chassent, à fin quelle n'ayt crainte de leurs bastons. Haymo fut le premier qui dompta leur ferocité, & sont prins es fosses que lon faiët en terre : en Syrie, ilz sont tout noirs. Les Pantheres sont aussi pleines de clemence. Nous lifons que la femelle ren-
cōtra vn homme emmy le bois, qui senfuyt pour crainte d'elle, elle l'environna blandissant de
sa

la queue, comme luy monstrent
signe d'amour, après quil fut as-
seuré, elle le mena par la robe
en vne fosse, ou estoient cheuz
ses petis quil tira hors, & elle se
voultoit deuant luy, pour luy
en rendre graces. Les Tigres
sont moult legers, parquoy
ceulx qui desrobent leurs petis,
des que la femelle les trouue per-
duz, elle sent & court apres: des
que on luy en iette vn, elle le re-
porte en son repaire, & ce pen-
dant on met les autres es Naui-
res en mer. Des Chameaulx,
on les maine paistre en Orient
comme moutons. Chiens sauua-
ges ont piedz & mains, quasi
comme les hommes, & iettent
des pierres par grand force des
piedz de deuât. En Septentrion
il y

il y ha bestes moult legeres qui ont la leure de dessus longue, en forte que quãd elles veulent paistre, elles reculent en derriere. Le Loup facilement à le veoir subit oste la parole de l'homme: ilz ne congnoissent leurs femelles que en douze iours de l'annee: sil est famelique, il vit de terre quil mange. Il est des Loups ceruiers, qui en mangeant filz se tournent, oublient la proye quilz ont & en cherchent autre.

Entre les Serpens le Basilique tue & infecte les gens par son regard: dautres y ha dinnumerable espece: aucuns ont testes doubles es deux boutz pour ietter venin. à la morsure dun Aspic ny ha remede, que de couper ce quil ha touché. Les Cocodril-
les

les font engēdre'es au Nil, fleuve d'egypte, qui ont quatre piedz, la peau fort dure sans langue, & ny ha mobile que la lebure dessus : ilz font autant docufz que les oysons, & ont des ongles pour leur deffense: de iour ilz demeurent en terre, de nuict es eaues: quand ilz ouurent la gorge en dormant, il y ha des petits oyseaulx qui leur curent les dentz, à quoy ilz prennēt plaisir. La Cigoigne ha apprins & demonstrec la maniere de prēdre clisteres, car par sa nature elle remplit son col deaue, & par derriere avec son bec faiēt infusion en son ventre, pour se pouuoir vuyder: & plusieurs bestes congnoissent naturellemēt les herbes qui leur sont propices. Lyronnelle scet
trouuer

trouuer vne pierre dictē Celi-
doine, qui sert aux yeulx quand
ses petis ont la veüe endomma-
gee. Des menus bestes trouuōs
citēs destruiētes & peuples de-
chassēs: en Espaigne, de Connins:
en Thessalie, des taulpes: en Gau-
le, des reines: en Afrique, de lo-
custes: en l'Isle de Cicladōs, de
rattes: en Italie, de Serpens: en
Ethiopie, d'escorpions. Hyen-
ne est dictē estre de double na-
ture, masle & femelle: elles ap-
prennēt aucunes paroles humai-
nes, comme le nom dun hom-
me, que lon ha acoustumé nom-
mer, & appellēt les chiēs. On les
trouue en Afrique, qui est cause
de la multitude des Asnes sau-
uages quilz y engendrent. Les
masles chastiēt les petis par mor-
sure:

sure : ilz couppent les arbres au long des riuieres, comme dun cousteau : ilz ont la queüe de poisson comme leurres. Les Cerfz oppressés de chiens se ilz ne trouuent eaue pour eulx refociller, se retirent à l'homme : les femelles portent huiët moys, & souuent deux, & pour les faire ne cherchent point lieux secretz, mais assez pres des chemins : les meres apprennent aux petis courir, craindre, & saulter, les males qui ont laissé les femelles ont le groin noir, & samusent à paistre qui les faiët estre en venaison : lors quilz se cõnoissent pesans, ilz cherchent lieux secretz, ilz se arrestët pour escouter, à oyr les chiës : ilz fuyët avec le vët pour oster la senteur de la traïlle.

traffe. Ilz se refiouïssent de ouyr chanter & du son de la corne-
muse. Ilz oyent bien à leuer les oreilles : à les baisser, ilz sont fourdz. Au pardessus, le Cerf est simple, & toutes choses luy sont merueilleuses. Sil voit vn homme avec vne arbaleste ou vn arc, il les regarde plus que l'homme. Les masles ont des cornes, & seulz entre les bestes ou printēps les perdēt: le iour quilz ont leurs cornes tombees : ilz se mustent comme estonnez & marris de leur armes. Lon diēt que on ne peult trouuer le cornon droiēt, & quilz le mustent en terre. A brusler les cornes les Serpens fuyent: ilz croissent de cornons, iusques à soixante ans, & lediēt temps passé reuiennent sembla-
bles,

bles, lors ny ha congnoissance de laage : mais la vieillesse est congneüe aux dentz. Les chatrés demeurent en leurs cornes, car ilz ne tōbent ne naissent. Eulx estās sans cornes de nuiēt vont paistre, & quand ilz commencent à venir, ilz sexperimentent cōtre les arbres. Il vit cent ans, iamais na fieure : à ce moyen aucunes dames ont tousiours desjuncé de viande ceruine, dont ilz ont vescu grand aage sans iamais auoir fieures. Chameleon ne vit que de lair, & chāge de couleur chascun an : ilz naissent en Afrique & Indie. Les Ours conuiennent avec les femelles au cōmencemēt de lyuer, non pas comme les autres quadrupedes : car ilz sont male & femelle couchés, & sem-

E brass

brassent. Apres ce ilz se retirent en diuerfes cauernes, & la femelle perturit au trentiesme iour, & souuent faiët cinq petis, qui ont la chair blanche, difforme sans yeulx & sans poil, & ne leur pert que les ongles, à les lecher successiement ilz sont figurez. Il nest rien que si peu lhōme voye que l'Ourse faire ses petis, elle se musse quatre moys, & le malle quarante iours : ilz se couchent sur molles fueilles, & les premiers quatorze iours dorment si fort que à peine les peult on resueille de coups, lors moult ilz se engressent, & est la gresse conuenable à plusieurs medicines, mesmemēt pour garder les cheueulx de cheoir. Eulx resueillez, ilz sont pour la pluspart debout, & viuent

viuent de léscher leurs piedz deuant. Ilz eschauffent leurs petis cōtre leur poictrine. Ilz ont peu de sang entour le cœur, & moins par le corps. Souuēt ont les yeulx hebetez, ilz ont les testes foibles, comme les Lyons les ont fortes, pource ilz deffendēt leurs testes de leurs piedz deuant, quand ilz tombent ou faultent embas les roches. Les chiens entre les bestes qui nous sont cōmunes sont les plus fideles. Nous auōs vrayes hystoires que lhōme ha esté defendu contre les larrons par son chien, autres ont combātu pour venger la mort de leur maistre, & contraindre lhomicide à confesser le delict. Deux cens chiens retirerēt par force le Roy Garamātus prins de la main des enne-

mys. Plusieurs peuples ont fait
amas de chiens pour la guerre.
Nous lisons des chiens se estre
iettez dedens le feu, quand on y
iettoit anciennemēt les corps de
leurs maistres, pour mourir avec
eux. Lisons aussi le chien du
Roy de Bithynie auoir dilasséré
la Royne qui se iouoit familie-
rement avec son mary cuydant
que ce fust pour mal. Vn Sena-
teur de Rome fut deffendu par
son chien le soir retournāt en sa
maison daucuns qui le vouloyēt
mettre à mort. A Rome le chien
dun prisonnier iamais ne aban-
donna lhuys de la prison, &
ne vouloit manger son maistre
mort, quād on luy ietta du pain
il le porta à la bouche de son
maistre. Vn autre fut veu en caue
publ

publiquement se mettre soubz
le corps de son maistre, ia noyé,
pour le substenter & luy ayder,
ilz congnoissent leur maistre, &
entendēt leur voix. Entre les be-
stes ilz entēdent la voix des do-
mestiques & leurs noms, il leur
souuient des chemins quelque
long quilz soyent, & ny ha beste
de si longue memoire hors lhō-
me. Limpetuosité des chiens est
mitigee par homme qui siet en
terre : à la chasse ont grand sa-
gacité & diligence, mesmement
vn limier. En Indie ilz attachēt
aux arbres les chiennes chaul-
des, & les Tigres les couurent,
dont sortent chiens moult fiers.
Le Roy d'Albanie dōna au Roy
Alexandre le grand, vn chien de
merueilleuse haulteur, qui pre-
noit.

noit les Lyons & les Elephans
par sagesse & continuation. Les
femelles portent chascun an, &
portent soixante iours, les petis
font naiz aueugles, & qui plus
font nourris de laiët plus tard re-
couurent la veüe : ilz ne vöyent
iamais auant le septiesme iour,
& mettent plus de vingt & vn
iour à recouurer la veüe. Sil y
en ha vn seul, il voit le neufies-
me iour, & autant de iours met-
tent les autres à veoir quil y en
ha. Le meilleur est celuy qui
voit le dernier, ou celuy que la
chienne porte le premier. Les
cheuaulx sont fideles pleins de
grande cōgnoissance, car ilz con-
gnoissent leurs maistres, & ceulx
qui les pēsent. Plusieurs sont en
leurs faiëtz singuliers, les masses
vivent

viuent iusques à cinquante ans, les femelles moins : à six ans le malle ne croist plus, ne la femelle à cinq ans. Entre les bestes ilz ont moins de fertilité. Les plus aigres cheuaulx mettent les narines tant plus auant en leaue en beuuant, & ont quasi autant de maladies, comme les hommes.

Asnes ont esté achettez quatre cens escuz, en Achaie sont moult requis pour auoir des mulles, ilz craignēt le froid. Les malle sont plus tardifz à louurage, ilz portēt comme les iumēs, & à trēte moys les ieunes sont prestz à sen aydēr. Apres quelles sont couuertes, il les fault cōtraindre à courir, car autrement tantost par vriner reietteroyent la semence. Les femelles portēt toute

leur vie, qui est iusques à trente ans, ilz craignent de mouiller le pied, & ne boyuent que es ruis-seaulx accoustumés, pour boyre à pied sec. La femelle se mussé pour parturir & cherche lieu tenebreux pour nestre veüe de l'homme, ilz ne veulent passer les pontz quand leaue reluit. Cest merueilles qui sont enragez de soif, & qui leur change leur eaue quotidienne, ilz les fault cōtraindre ou charger pour boire. Le Mulet est engendré de l'Asne & de la iumēt: la mulle dun cheual & dune Asnesse. Ce sont bestes pleines de force & de labeur. L'Asne qui couure la iumēt procure abortif, se elle ha parauant retenu du cheual, mais non pas au contraire. Le septiesme iour,
les

les femelles doyuent estre rēplies
apres leur poulain nay. Les mas-
les fatiguez de labeur rēplissent
plustost les femelles, ilz ne sont
semblables à aucuns de leur pere
ou mere, & la mulle de sa nature
est sterile, fors que en Capadoce,
ou elles portent: à force de boire
vin souuent les mulles cessent de
ruer. Les Atheniens sçachans au
vray vn mulet auoir seruy qua-
tre vingtz ans, ordonnerent, que
par les chāps on ne luy feist de-
stourbe, es bledz ne ailleurs.

Les Bœufz viuent vingt ans,
les vaches quinze cōmunement:
à cinq ans ilz ont prins leur for-
ce. Lon diēt que à les lauer deauc
chaulde ilz engressent. La force
du Taureau est à trois ans. Pour
les commencer à faire tirer, est

E s bon

bon les lyer & coupler avec vn Bœuf trayant, car il appréd l'autre. Anciennement les Romains pour le labour de lagriculture estimoyent autāt de mal de tuer vn Bœuf ou le desrober, comme vn homme. Le Taureau requerant combat, monstre magnanimité & generosité. Il tourne la teste, eslieue les oreilles, demeure sur ses piedz deuant, & faiēt voler la poussiere, des piedz de derriere. A Rome lon ha veu Bœuf parler. Les Bœufz ont neud soubz la langue, & vne tache blāche au costé dextre, qui croist comme les cornes de la Lune.

La nature des blanches bestes est quelles ne viuent au plus que neuf ou dix ans. Les masles conuiennent avec les femelles, de la

my May, iufques à la my Aouft,
Les femelles portent cent cin-
quante iours. Les Aigneaux ve-
nus en lyuer font preferez à
ceulx du printemps, & eft bon
quilz foyent nayz en temps de
bruine. Les Ropars infestent les
Brebis, & fuyuent les vieilles. Plus
font vieilz & mieulx valēt pour
luyres, & aux Brebis plus vtiles.
Le Ropart fil ha le genitoire
dextre lyé, faiēt toutes femelles,
& fil ha le fenestre lyé en la fai-
fon, il faiēt tous mafles. Au Ro-
part lon doit regarder foubz la
langue, car il engēdre aigneaux
de telle couleur que font les ve-
nes. Si elles font de diuerfes cou-
leurs, il en engendre de diuer-
fes fortes, auffi la mutation des
eaues diuerfifie la couleur des
Aign

Aigneaux aussi les ventz. Lon estime quil nest bon de chastrer les Aigneaux deuât cinq moys, & communemēt les femelles ne font plus de quatre Aigneaux.

Chieures conçoüyēt communement deux Cabritz, & aucunesfois quatre, elles portent cinq moys cōme Brebis, elles deuient steriles de gresse, & nengen drēt oultre la quatriesme annee, elles commencēt à elles remplir & conuerfer avec le masle, le septiesme moys encores alaiētant, elles ne sont remplies le premier iour du masle, le second iour ha plus defficace, & ainsi continuāt sont remplies, elles conçouyent en Nouembre pour deliurer en Mars que les arbres commencent à ietter; les Cabris moult
craig

craignent le froid : tout ce bestail na pas cornes , mais le laiët est plus gras de celles qui nen ont point, & de celles qui en ont on congnoit leur aage es noux des cornes. Elles aspirent par les oreilles, non par le pertuis du museau, & iamaïs ne sont sans fieures pour la chaleur que ilz ont au corps qui les faiët moult subiectz à luxure. Elles voyent de nuiët comme de iour, pource lon estime le foye, à le manger, il rend clairté de la veüe. Toutes ont barbe au menton, si lune est prinse par la & que on la tire, toutes autres y regardent & sen esmerueillent: si elles mordent vn hault ou ieune arbre, il meurt, & à lescher l'Oliuier il seiche. Entre les Pourceaux, les

les truyes portent à huiët moys. Ilz portēt deux fois lan, & portent trois moys, aucunes fois iusques à vingt cochons, mais ilz nen peuuēt tant nourrir, & plus ieunes sont, moins en portent, au dixiesme iour les dētz croissent es cochons. A vne fois congnoistre le verrat, elles sont remplies; mais elles doublent pour crainte de non auoir retenu, lon estime si elles perdent vn œil facilement mourir: autrement viuent iusques à quinze ou vingt ans, les plus grasses ont moins de laiēt, voluntiers se couchēt en la fange, & plus sur le costé droiēt. En soixāte iours ilz engressent, ilz cōgnoissent la maison de leur maistre, & se deffendent lun lautre, car se lun crye, tous les autres

25
y cour

y courent. Entre les Sangliers le masle ha grosse peine de con-
gnoistre la femelle, & elle grosse
douleur de faire ses petis. Les pe-
tis naiscēt avec les dentz & sont
noirs ; en Arabie ilz ne peuuent
viure priuez ne sauages. Les
Cinges approachēt moult les sens
de l'homme, & leur espece les di-
stingue de la queüe. Ceste espece
ha moult grād affection à ses pe-
tis, ilz les demonstret & les tien-
nēt tousiours entre leurs bras ou
iambes deuant à leur poictrine,
dont souuēt ilz les tuent, ilz ont
barbe au menton, & aucuns en
Ethiopie ont queüe qui ne viuēt
point ailleurs. Des Lieures y ha
pluseurs especes es haultes mon-
taignes, ilz sont blancs & viuent
lyuer des neiges. Lon diēt que
vn

vn Lieure ha autant d'ans comme y ha en son ventre de cauer-
nes pour se purger, ilz ont les
deux especes, & generēt lun sans
lautre, & le Lieure seul est vian-
de à gens, bestes & oyseaux, par-
quoy il est tousiours en crainte,
& va de nuict plus que de iour.
Les Cōnins font autre espee, les
masles ont gros appetit de man-
ger les petis des quilz sont nayz:
mais la femelle les mussē, & font
grande multiplication. De plu-
sieurs fortes sont bestes terrestres
qui se messent vne espee avec
lautre. Origes entre les bestes
ont le poil long tirant & ten-
dent tousiours contre la teste, &
es autres bestes le poil tire con-
tre la queüe. Les Sourits sont
engendrees en terre. Nous lisons
du

du temps que Hannibal tenoit
vne ville afsiegee, vne Sourits fut
vendue deux cens escuz. Le ven-
deur mourut de faim , & lache-
teur eschappa la famine . Les
vieilles Sourits sont nourries par
les ieunes en grande clemence.
Il ny ha en Afrique , Cerfz, San-
gliers, Chieures ny Ours : en au-
tres lieux Loups ne Renardz :
en aucuns lieux ny ha point de
Lieures, en autres de Connils, &
en autres lieux y ha diuersité de
plusieurs bestes qui ne sont ail-
leurs. Les Scorpions, & Ser-
pens nuisent commune-
ment plus aux estran-
gers, que aux
domesti-
ques.

*

LE NEVFVIESME

LIVRE, DES BESTES

aquatiques &

poissons.



En mer y ha plus gros
 ses bestes, que en ter-
 re pour lhumidité de
 icelle, aussi quelle est
 plus spacieuse. Aussi y ha plu-
 sieurs monstres, & diuerses ma-
 nieres de poissons, pour les semē-
 ces qui se meslent en plusieurs
 especes; & y ha telles bestes que
 en terre de toutes bestes; & da-
 uantage.

Balaines & Pristes sont des
 plus grandes & grosses bestes de
 la mer: il y en ha de deux cens
 couldees de longueur. En au-
 cuns

cuns lieux, ilz font des oz de Balaine en leurs maisons des tirans & sommiers de vingt couldees de long, & couurent leurs maisons des oz. Alexandre le grand trouua son armee de mer en grãde necessité de les rencontrer.

Il y ha en la mer anguilles de trois cens piedz de long. Il sort de mer plusieurs poissons qui de nuict mangēt les bledz, puis sen retournent en mer. Il y ha en la mer hōmes marins, qui ont esté veuz, & Nereïdes ayans semblāce de corps humain avec leurs escailles, & la voix semblable: & y ha loupz, cheuaux, afnes, pourceaux, & autres bestes marines, comme en terre. Si les poissons aspirent, & respirent cōme les autres bestes y ha diuerses opiniōs.

Pline croit, que la pluspart dort & respire, excepté ceulx qui ne ont point de poulmon, & pour sang ontumeur.

Le Daulphin est le plus legier poisson de mer, & plus difficile à prendre, chascun fuyt son per: ilz font des petis à dix moys en l'Esté, & les allaitent comme les Balaines. Les vieilz portent les petis, & y ha tousiours vn grand qui fuyt le petit. Ilz ont la langue mobile cōme vn pourceau. Oultre la nature des autres poissons ilz sont amoureux des enfans, & de sons d'instrumentz. Ilz viuent trois cens ans, & ont leur grandeur à dix ans. Ilz se resiouyssent quand on les appelle Simon, & ayment la voix humaine. Plusieurs exemples sont
veuz

veuz & leuz de petis enfans, que ilz ont porté par mer sur leur doz, & rapporté souuentesfois sans leur mal faire.

Limasses de mer sont si grandes en aucuns lieux que de leur creuse on en couure de vne part les petites maisons de lune seulement. Les bestes marines ont vestemens diuers, aucuns sont couuers de cuyr, & de poil comme les veaux de mer, aucuns de cuyr seulement comme Daulphins, autres d'oz comme Limasses, autres descailles fortes comme huîtres, & comme les moules qui nont point de testes. Autres de crostes comme locustes, autres despines comme pourceaux à pic, autres descailles comme carpes, & plusieurs autres poissons,

autres de peaulx âpres comme squatines dequoy lon pollit le buys & lyuoire, autres de peaux molles, & aucunes autres qui ne en ont point. Le veau de mer, la Balaine, & le priste, qui sont vestuz de peau, & de poil conuiennent masle & femelle ensemble, comme les chiens, & nen font iamais plus de deux à vne portee, ilz nourrissent leurs petitz de mammelles, & les font en terre, & iusques au douziesme iour ne les meinent en mer, le veau mugit en dormant comme le veau de terre: des extremités dont nagent en mer, ilz cheminent en terre, & se trainent au lieu des piedz, ilz sont plus greuez, & contrainctz de dormir, que toute autre beste: pource leur peau
mise

mise sur la teste dun homme le prouoque à dormir.

La diuersité des poissons est grāde: car il en y ha qui nont espi ne ny oz. En aucunes especes ny ha point de masles, car tous portent œufz. Entre les poissons les femelles sont plus grādes que les masles. Il y en ha qui ont les escailles tendans vers la teste, cōtre lordre des autres. Aucuns vōt tousiours dormir en terre à sec. La balaine & la reyne, font leurs petitiz vifz sans œufz.

Les anguilles viuēt huiēt ans, elles viuēt sans eaue six iours, au vent d'Aquilon, moins es autres ventz. En Hyuer elles cherchent grandes eaues & claires, & sen vont à la troublee: elles paiscent de nuit: & seules entre les pois-

sons, ne viennent point sur leau, quand elles sont mortes. Au lac de Veronne on les prend par milliers.

Aucunes especes de poissons rendent leurs petiz viuans : aucuns volent par la mer, comme l'hirondelle de mer. Aucuns font œufz, & les couuent, comme les volatiles.

Le Milan de mer cherche les haultes mers, & ha la langue reluisante, cōme lon voit de nuiſt en temps ſerein.

Le Dragon de mer des quil est prins & tiré en terre, il faiſt incontinent entree au ſablon pour ſe perdre. Aucuns poissons nont point de ſang, & ont leurs teſtes en leurs vĕtres entre leurs piedz, & de leurs piedz ilz iettent la
vian

viande à la gorge.

Les Locustes marines se cachent par cinq moys, & nagent sur le Printemps. Ilz bataillent entre eulx de leurs cornes. Entre les bestes seules, si elles ne sont mises en caue chauldeviues pour cuyre, elles ont la chair molle.

Les Escreuices marines vivent en lieux pierreux, & en y ha de moult grandes. En Automne & Printemps, elles engressent, & plus à la pleine Lune: car elles augmentent & diminuent comme la Lune. Elles sont de longue vie: elles ont toutes huit piedz. Les femelles ont le premier pied double, les masles, simples: & vont à reculon autant comme à droict.

Les Coclees ont deux petites

F s cor

cornes, dont elles tastent les chemins: car elles n'ont point d'yeux. Les poissons conuiennent, males & femelles ioignans leurs ventres: lors la femelle s'uyt, touchant de son museau, le ventre du male, & les males mangent plusieurs oeufs de la femelle. Si tous les oeufs profitoyent, la mer & les estangz seroyent pleins de poissons, pour l'innombrable multitude d'oeufs, & aucuns poissons engendrent par la gorge.

La Rate marine faict ses oeufs en terre, puis les couure de terre, & le trentiesme iour elle descouure ses oeufs, & meine ses petits en mer. Aucuns poissons vivent soixante ans, comme on l'a experimenté par les marques y apposees. Les anguilles sont créées

crées par se mettre cōtre les pierres. Aucuns poissons viuent en terre quand l'Esté les riuieres sechent cōme œufz de brochetz, anguilles & autres par l'humidité qui y est, & autres y vont paistre attendans leaue, & telle est leur nature comme aux taulpes viure en terre de verms; aucuns ont comme espines aux doz, dont ilz couppent les lignes des poissons prins.

Autres poissons que lon diēt Estoilles de mer bruslēt par leur chaleur les autres poissons, quilz touchent. En mer y ha guerre entre les poissons, comme en terre entre les oyseaux, car les vns se paiscent des autres.

LE DIXIESME

LIVRE EST DES

oyseaux.



N Afrique, & Ethiope, y ha grandz oyseaux comme vn cheual, qui ne abandonnent point la terre, mais courent plus fort que leurriers.

Phenix sont en Arabie. Il ne dy pas quil soit seul, mais iamais homme ne le veit manger. Il vit six cens ans, & en sa vieillesse amasse vn nid de buchettes despi ces & d'encens, ou il meurt, & de ses oz naist vn verm, qui depuis naturellement deuient Poulet en Phenix. Il est grand comme Aigle, les plumes sont de couleur d'or entour le col, la queüe iaulne,

ne, & le surplus comme azur.

Aigles sont en six especes, aucunes viuent de proye en terre, autres en eaue, qui peschent dun pied, elles ont entendement de porter en hault des limasses, & les laisser cheoir pour menger quand sont rompues. Elles sont regarder les rayes du Soleil es petis, & iettent du nid ceulx qui ne veulent, regarder comme bastardz : elles meurent en vieillesse, pource que tant leur croist le bec dessus que elles ne peuuent manger : elles bataillent contre les Cerfz, contre les Dragons, & en volant iettent la poussiere que elles amassent en terre aux yeulx des corbeaux, & autres bestes pour les auoir.

Les Vultours sont noirs, &
font

font leurs nidz si hault es montaignes, que peu on les voit, toutesfois on diët quilz font treize œufz communement.

Le Coqu ressemble en couleur, la Colombe ramage, seul est tué des autres de son espece. Il mue & change sa voix. Il vient au printemps, & se mussé lhyuer & tousiours faiët ses petitz aux nidz dautres oyseaux, mesme-mēt des palumbes, il ne faiët que vn œuf, & peu souuēt deux, pour ce quil se congnoist hay de tous oyseaux parquoy il pense que sainsi ne faisoit lō tueroit ses petitz. Il luy semble quil soit fort beau & mesprise les autres & nest chair si doulce que la siene.

Le Millan est tousiours famelique, & semble quil ayt appris
de

de regir en mer les nauires par le gouuernacle pour le remuemēt de sa queue.

La Corneille casse la noix à souuenteffois la laisser cheoir de hault en volant sur la pierre.

Les Corbeaux engendrēt par la bouche, comme les coulombs, ilz portent mauuaise signification quād ilz crient comme son les estrangloit.

Les Choues nocturnes se defendent des autres bestes, du bec & des ongles: pource quelles sont hayes, ne vont que de nuit: elles dorment soixante iours en hyuer, & ont neuf voix,

Le Pic quand il frappe de son bec vn Saule, il entend & congnoist sil est creux dedans, & sil ya viures: luy seulement
nour

nourrist ses petis es concauités des arbres. Il senfuyt incontînēt des que lon met vn clou en larbre, & sort dehors. Entre les bestes volatiles aucunes ont doigts & ongles, & autres ont les piedz platz, comme Oysons, Canes, & autres viuans en eaue pour la pluspart.

Le Paon loué, estend ses plumes, mesmement contre le Soleil pour faire radier les yeux de sa queüe, puis les remet ensemble: la queüe luy chet comme la fueille des arbres: & reuiēt avec les fleurs. Quand il nen ha point il se mussé tout honteux. A trois ans il commence à colorer sa queüe, & vit vingtcing ans, il ha les piedz laidz, & la voix espouuentable.

Le cog

Le Coq congnoit les estoilles & sent venir le iour. Il se couche quãd le Soleil, & se leue matin : par son chant, il aduertit de l'heure de la nuit, & esueille ceulx qui vont à leur labeur. Il est Roy des bestes de son espece en la maison, & bataille de ses genoux : sil vaine il chante, sil est vaincu il se mussé, & ne veult qu'õ luy face seruice: il est fier en son alleure, & donne crainte au lyon : luy seul entre les oyseaux regarde plus le Soleil. Il cesse de chanter sil est chastré, & oublie tantost la playe de la creste. plus facilement il engresse estant chastré.

L'oye garda le capitoile des Romains. Lon narre vne Oye auoir suyui son maistre des Suif-

G se

se iusques à Rome. Deux fois lan
en les plume: la meilleure plume
cest la plus petite: de leur gresse
on faict bons oignements.

Les Grues vollent hault pour
veoir, eslisent lune pour les me-
ner, & la suiuent. Il y ha sergēt
entre elles qui acclament pour
mettre ordre en leur assemblée.
De nuict elles dorment la teste
soubz lasle & vn pied en la plu-
me & se soustiennent sur lautre.
Celles qui sont commises à fai-
re le guet tiennent vne pierre en
lun des piedz pour se refueiller
selles dorment quand la pierre
chet en leau.

Les Cicoignes sen vont lhy-
uer, & nul ne scait ou, ne dont el-
les viennent, comme les Grues.
Les vnes viennēt lesté, les autres
lhy

l'hyuer:elles fasssemblent pour aller, mais iamais on ne veit leurs congregations, car cela se faiët de nuiët,sans bruit, puis se espan dent. Elles se assemblent en Asie à certain iour, & la derniere venue est dilaceree & tuee, puis sen vont. Les Cicoignes mangent les serpens,parquoy en Thessal- lie y ha semblable peine de les tuer comme de tuer vn homme. En elles retirant elles mettent leur col lune sur lautre. A leur retour chascune reprẽd son nid, & les ieunes nourrissent les vieilles.

Les Cailles aussi viennent de nuiët & en dangier des marini- ers quand elles approchent la terre, pour leur multitude. Par- tẽps de grans ventz ou de pluye

iamais ne passent la mer: en l'hy-
uer elles plument, & quand elles
sont muees elles retournēt, aussi
faict la Tourterelle, & aussi sen
vont les palombes.

Les Estourneaux sen vōt l'hy-
uer, & vollent par turmes & as-
semblees.

Les Arōdelles viuēt de chair,
elles sont si legeres & courbent
leur vol en sorte que les autres
ne les peuuent prendre pour les
manger, & seules entre les oy-
seaux se paissent en volant.

Colombs font annuelz, Arōn-
delles demeurēt demy an, Tour-
terelles trois mois. Et les Choues
huppees, quand elles ont faict
leurs petis, sen vont. Aucunes
chāgent leur voix, & muent leur
plumage & couleurs chascun an.

Le

Le Geay ayme à defrober or & argent. En aucuns lieux ny ha point de Perdris. En Rhodes ny ha point d'Aigles. A Rome en la maison d'Hercules ny entre chië ne mousches , & ainfi est que en plusieurs lieux y ha diuersité d'oyseaux.

Le Merle est blanc en Arcadie, & en aucuns lieux la Cigogne est toute blanche.

Au long de la mer en aucunes parties y ha oyseaux viuans de poissons, qui font sept nidz chascū, & en tous sont petis: mais leurs nidz sont si forts qua grosse peine on les peult rompre, & ny ha entree que dun petit pertuis: car ilz sont comme passeratz, & sont leurs nidz despi nes arrangees lune contre lautre,

avec terre & plumes, & peu font veuz.

Il y ha Arondelles de diuerfes sortes, car il en est qui font leurs nidz six piedx en terre.

Les oyseaux ont merueilleuse industrie de faire leurs nidz de plumes, de terre & de paille, & y portent de leue pour les fortifier, en sorte que leurs petis sont doucemēt & seurement cōtre la pluye. Les meres nettoient les nidz des immundicitez quād les petis sont ieunes & nouueaux nayz, & quand ilz deuiennent grans ilz les contraignent à sortir dehors pour estre netz, & aucuns cherchent peaulx de lieures pour faire leurs nidz.

Les Perdrix font tellement leurs nidz que les bestes sauua-
ges

ges ne les puissent trouuer, & ne couchent ou font leurs petis, pour le dangier de la senteur de leur frequentation : & aucunes fois trāsportent ailleurs leurs petis . Aucunes fois les femelles par intemperance de luxure rompent leurs œufz pour nō seiourner au nid : lors les masles se bātent & le plusfort ha la femelle. A la tonnelle des que lun y entre, lautre suit. Au chant de la femelle, les masles courent , voire comme aueugles, iusques se mettre sur la teste de celuy qui chafse tant est subieēt à libidinité plus quautre oyseau . Les femelles font des œufz , & sont pleines & impreignees par lair de la gorge du masle, voire souuent à ouyr la voix du masle seule-

G 4 ment.

ment. La femelle quand elle sent que lon approche ses petis, fainct dauoir aesles rompues , & de ne pouoir voler , & crie quon l'entende pour attirer arriere gens & chiens , à fin que lon ne treuve son nid , & se suolle le plus loing quelle peult arriere de ses petis . telles viuent par commune estimation , iusques à seize ans.

Les Colombes sont chastes, & ne laissent leur demeure, filz ne sont vefues: touteffois que souuent ilz ont suspicion d'adultere. à ce moyen font querelle de leur gosier & se batent du bec, puis se flatēt des piedz. Le masle est aussi soigneux des petis que la femelle, & souuent la cōtraint dy demourer . Au commence-
ment

ment portent à leurs petis de la terre grasse , pour temperer leur appetit, & conçoient par le bec: les pigeõs & tourterelles boiuēt comme iumens sans leuer souuent le bec , & viuent enuiron huiēt ans, mais les colombs sauuaiges viuent trente ans.

Le Passerat ne vit que vn an, & la femelle quelque peu plus pour la frequente habitation quilz ont ensemble. Oyseaux vollent en diuerfes sortes, les vns cheminent, les autres faultent, autres courent, les vns iettent leurs piedz deuant eulx, comme grues & Cygoignes , & ny ha que Canardz qui fesuolēt de plain fault au ciel, les autres sauancent premier que voller: aucuns nont point de piedz & nont iamais

repos quau nid.

Les Gelines ont entendemēt, & ont horreur quand elles ont faict vn œuf, & se debatent, puis se purifient, car elles enuironnēt elles & leurs œufz de quelque buchette ou festu.

Le Chardeneri ha plusieurs voix & apprend plusieurs langages & chants : mais sur tous oyseaux le Papegay scait parler lan gaige humain. Ilz viennent d'Indie, ilz ont la teste dure comme le bec.

Ilz viuent de glandz, & mieulx parlent ceulx qui ont cinq doigz es piedz : on les apprēd secrettement là ou il ny ha autre voix que du maistre.

On ha veu Corbeaux fort parler & nommer les Princes
par

par leurs noms , mesmement vn à Rome qui à ce moyen fut solennellement ensepueley. Les Arondelles entre les oyseaux sont imbecilles, & les rat-tes entre les bestes: plus facilement le Lyon, l'Elephant & autres se rendent subiectz à l'homme. Strabo fut le premier qui apprint à mettre en prison les oyseaux qui parauant auoyent liberté au ciel. Il commença à farcir les Gelines, les larder & arrouser, & donna la maniere dengresser les chappons de laiët & paste. Entre les oyseaux plusieurs ont quatre piedz, & font des œufz les vns plusieurs, autres quatre & autres deux. Ilz conuiennent en deux manieres ensemble, les grues de leur hault
&

& entre gelines & autres la femelle se couche à terre.

Aucuns œufz font blancs & le plus , autres discolorez, & autres rouges comme ceulx de faisans: & tous œufz en dedās sont de deux couleurs, blanc & rouge. Les œufz des poissons sont rondz dune couleur, & ny ha rien de blanc. Les œufz des oyseaux viuās sur leaue sont rōdz, les autres longz, les petis partent de la creuse par la partie plus ronde. Horace dict que les plus longz œufz sont de meilleure faueur, & la geline est meilleure & plus tendre qui faiēt les œufz plus rondz. Aucuns oyseaux engendrent en tout temps comme gelines qui font œufz chascun iour, aucunes deux le iour, & autres

tres tant quelles en meurent , en
aucuns lieux les Colombes dix
fois lan. La Turterelle deux fois
lan en Egypte , autres oyseaux
vne fois lan. Apres que la femel-
le ha eu le masle en dix iours les
œufz durcissent au ventre & au
cunesfois plus longuement si on
leur arrache plume ou quon les
tourmente par quelque peine.
Es œufz y ha vne goutte com-
me de sang au meilieu du rouge
qui faiet le cueur de loyseau, &
est le premier formé, & du blanc
est formé le corps & au dedans
lœuf la teste est plus grosse que
le corps & vit du surplus du rou-
ge : le vingtiesme iour il ha vie
& au dedās il crie lors commen-
ce la plume à venir . Le petit est
en lœuf en sorte quil ha la teste
sur

sur le pied droiët & l'esle droiëte sur sa teste & naissent sur leurs piedz cōtre la façon des autres bestes . Aucunes gelines font deux moyeux es œufx quilz reiettent volontiers à couuer; on ne doit bailler es gelines au plus que xxv. œufz : & les poussins premiers nayz de l'année sont les meilleurs.

Pour couuer gelines les œufz de dix iours sont les meilleurs plus que vieilz ou trop frais : on les doit mettre imper, filz sont couuez quatre iours, à les veoir au soleil on congnoist filz sont bons l'experience y est, car les inutiles vont sur leaue & les bons vont au fons : si les œufz sont cassez, ilz ne sont pas bons. En nouvelle lune on les doit

mettre couuer, car filz commen-
cent en vieille lune ilz ne proufi-
tent gueres. Quand il faiët chault,
les poulletz viennent le vingt &
vniesme iour, & sil faiët froid le
vingtcinquiesme iour: sil tonne
les œufz couuez se perdent, &
aussi à ouyr la voix de Millans.
Le remede contre le tonnerre
cest mettre vn clou au nid ou
de la terre de la charrue. Lon re-
cite dun Coq apres la mort de
la Geline acheuer de couuer, &
par ce cesser de chanter. La geli-
ne s'esmerueille au commence-
ment, de veoir les petis: par apres
songneusement les appelle, &
lamente si elle les voit noyer en
leue: & aucuns en lieux chaulx
font venir poullets, comme si les
œufz estoient couuez. La pe-
pie

pie vient es Gelines entre moissons & vendenges. La medicine est de les peu nourrir & auoir faim, coucher sur le fumier de laurier, leur transfuser vne plume par les narines renouvellee chascun iour, ou leur donner à manger des aulx cuitz avec farine.

Les Colōbes font deux œufz, & si elles en font trois, nen couuent que deux. Ilz font masle & femelle, le masle le premier, deux iours apres, la femelle. Le masle couue de iour, la femelle, de nuit. Ilz mettent les pigeons hors de la creuse le vingtiesme iour, & font les œufz le cinquiesme iour apres quilz ont congneu le masle, & se baissent souvent parauant. En leste font souvent

uent des petis trois fois en deux
moys : car sil faiēt chauld en
dixhuiēt iours, ilz font escloz,
& incontinent conçoyuēt. Par-
quoy es nidz lon trouue souuē-
tesfois œufz & petis, & les pi-
geons à cinq moys conçoquent.

Le Paon faiēt petis à trois ans:
le premier an, vn, & apres il
croist & augmente ses petis, le
masle rompt les œufz pour a-
uoir la femelle à son plaisir: pour-
ce elles cachēt leurs œufz. Il fault
vn masle pour cinq femelles, à
trente iours les petis sont escloz.

Les Oyes conçoyuēt en leue:
au printēps ilz font leurs œufz,
il est vtile leur en bailler neuf ou
vnze. Avingtcinq ou trēte iours,
ilz esclouēt. Les grādz oyseaux
couuent communement trente

H iours,

iours, les petis, vingt.

La Cornille seule couue, & le masle la paist au nid. Les œufz trempéz au vinaigre, passent par dedens vn agneau tant sont molz: lesté ilz se gardēt au som, & lyuer, en paille.

Le Chauesori ha les membres & aisles comme plumes, il faict deux petis quil nourrit seul entre les oyseaux de laiēt de mamelles.

Les Viperes se entrelassent en conceuant quil semble de deux nestre que vne Serpēt, & conçoit la femelle par le moyen quelle succe la teste du masle, quelle met en la sienne. Les Serpēs font leurs œufz sur terre, puis les couurent de terre, & l'an apres produisent leurs petis. L'homme est plus

plus auide de fornication en lyuer, les femmes en l'esté: les bestes ont societé & cōgnoissent si la femelle veult le masle & non lhōme. Entre les bestes quadrupedes le sentir precede l'operation de luxure. Plus grandes sont les bestes, moins ilz font de petis, & plus longuement on met à les porter. Toutes bestes sont remplies à vne fois du masle quoy quilz en facent plusieurs, & sont les petis estendus au ventre de la femelle, les genoulx retirez contre le ventre: mais le petit enfant au ventre de sa mere ha son visage entre ses genoulx, & est cōme vne ville.

Les Rattes & Souritz sont engendrees à lescher lune lautre, & ha lon veu vne en faire six

H 2 vingtz,

vingtz, dont vient que aucunes fois tant en y ha au champs en moisson que on ne sçait quelles deuiennent.

La Salemendre à toucher le feu elle le stainct comme feroit la glace, & neantmoins ce quelle iette par la gorge, est si chauld que se il touche quelque beste, il brusle le poil. Elle naist comme languille en leaue, & ny ha en eulx masse ne femelle, & ne conçoient ny font œufs ny aucuns petis. L'homme ha sens parfaict, mais l'Aigle le surmonte à veoir: le Vouldour à sentir & odorier, & la taulpe à ouyr, quoy quelle soit en terre: les poissons sentent & oyent, & si nont pertuis en la teste ny oreilles. Aussi toutes bestes & poissons ont sentemēt de
touc

toucher : aucunes bestes viuent de proye, les autres se aydent des piedz, les autres des dentz selon leur nature.

Aucunes viuēt de venin & de succer, comme Serpens, & araignes qui nont chaleur ne sang, & ne leur fault point de viures: les Loups viuēt souuēt de terre.

Les bestes engressent de boire, pource le sel leur est propice. Les bestes qui ont dentz serrees en beuuant lechent cōme chiens, les autres qui ont dentz continues hument comme Bœufz & cheuaux. Les Ours mordēt leaue en beuuāt. En Afrique les bestes sauuages ne boient point lesté par faulte deaue, & y ha vne espede bestes qui iamais ne boit, & ha soif toute sa vie: dedens son

corps y ha vne vefsie pleine de
liqueur, à la boire lon endure
longnement fa foif. Les oyseaux
ont amytié & guerre ensemble
comme les bestes terrestres, lun
desrobe à lautre son nid, ses pe-
tis, ses œufz, sa pasture ou vian-
de. Toutes bestes ayās cœur dor-
ment, terrestres & aquatiles.
Lhomme nouveau nay, dormir
longuement luy est nourriture,
par apres il dort moins, & vo-
luntiers les petis enfans songent
quand ilz se refueillent en
dormant, le soing cest
lentendement qui
se auertit du
corps.

*

LE VNZIESME

LIVRE EST DES

petites be-
stes.

*



Ature ha faict plus de merueilles, & donné plus de sens es petites bestes dignes de plus grans merueilles que es grosses, elles nont point de sang, mais au lieu du sang ont humidité au corps qui leur faict donner son & voix, aspirer & respirer : elles nont polmon, ne cœur, ne nerfz, mais feulemēt quelques entrailles, & ont yeulx & autres sentemēs. Leur teste nest mobile seule sans le corps, sinon quelle soit arrachee.

Les bonnes Mouches entre les

H 4 dessusd

deffusdictes ont fens & labourēt pour le bien publicque,elles ont entre elles Princes & cōducteurs, du cōseil,& des mœurs pour viure en paix en leur communion. Lyuer font mussées , car elles ne pourroyent resister aux neiges, vêtz & froidures,elles font miel & cyre , & ne vont aux œuures deuant la fleur des febues, mais par temps conuenable iamais ne perdent vn iour. Premièrement elles torchēt & frottēt leur reuche au dedens de choses ameres, comme gommess des arbres, de poixraisine, & autres pour oster le goust aux autres bestes de la douceur de leur miel , qui le viendroyent sentir , apres font leurs chambrettes & demourances, puis font leurs petis sans corrupt

ruption. En apres font le miel & cyre des fleurs, & apprestent viande pour lhyner, aucunemēt amere pleine dhumeur separee du miel. Elles succent les fleurs à soixante passees de la ruche: & si plus auant fault aller, celles qui y sont commises, de nuit en leur voyage, couchent le ventre dessus pour garder leurs aïles de la rosee. La maniere de leurs œures est de demourer aucunes à la porte, comme dun Chasteau pour faire le guet. De nuit sont en repos iusques à ce que le matin, lune à ce cōmise, sonne comme leur trompette, lors chascune se part, & sen vole, si le iour est serain, autremēt se contiennent en leur toict, & congnoissent la disposition future du temps. Les

H s plus

plus ieunes vont aux champs, les vieilles demourēt à faire les ouurages. au dedens, les vnes apportent les fleurs à l'entree, autres les reprennent & deschargent pour retourner à l'autre, les autres apportēt de leue en leur gorge, se mouillent en eaue pour donner humidité aux ouurages, & diuisent leurs offices: les vnes accoustrent, les autres pollient, les autres succent, & les autres apprestent à manger de ce que lon apporte, car elle viuent ensemble, & non separeemēt, à fin que egalelement la viande soit distribuee, cōme louurage. Elles font doubles allees, lune pour entrer, l'autre pour sortir iusques au dessus. Es premieres ruches dessoubz ny mettent aucune chose pour

ne donner prompte occasion es autres bestes dy aller: au hault est le plus de miel. Si grand vent les surprenent aux champs, elles volent pres de terre au long des buissons, & prennēt quelque petite charge de pierre ou terre pour plus peser que le vent ne les emporte, & chargēt les fleurs en leurs piedz deuant cōtre leur poictrine. Les maistres d'hostel corrigent & chastient les paresseuses. Iamais ne font ordure en leur maison tant sont nettes. Ce que emutissent celles qui ouurēt dedens on le met à part pour le oster quand le temps n'est propice daller aux champs, & quelles sont de loisir, à fin quelles ne cessent pour aller au loing par celles qui font les œuures. Le soir
elles

elles se retirent, leur guet afsis, & murmurent de peu en moins, tousiours diminuant iusques à ce que lune faict son terminant comme la trôpette, volant parmy le mylieu du toict : lors elles cessent du tout iusques au lendemain. Elles font premier les maisonnettes du commun, puis celle de leur Roy quelles eslisent. Ceulx qui les chastrent doyuent estre netz : les larrôs ny sont pas bons, ne les femmes estâs en leur sepmaine. Entre icelles bonnes Mousches en y ha autres plus grosses sans esguillon, qui seruēt à louurage & à eschauffer entre leurs piedz les petites, & sont fort corrigees & sans remission si elles faillēt. Cestes font au Roy ample maison à pinacle, comme

vn Chasteau separé des autres maisons. Les maisonnettes du cōmun ont six carres pour lou-
urage de leur six piedz , & les
font au temps obscur. Elles rem-
plissent de miel les cellules den-
hault audiēt tēps, & de iour cler
vont aux champs. De la manie-
re que les petites naiscent y ha
grande difficulté, car iamais ne
couurent lune lautre. Vn Rom-
main fait faire vne ruche de clai-
re lanterne pour veoir leurs ou-
urages, & semble quilz font de
petis vers qui viennēt en Mouf-
ches, & auant quelles ayent plu-
mes, ny ha rien que les meres
mangent plus volontiers, quand
elles ont les testes ostees. Le Roy
est esleu en chascune turme &
compagnie , & ellisent celle qui
est

est plus grãde ou double des autres communes. Il est congneu, car il ha au front vne macule, sil va au chãps, les autres le suyuent, comme sa garde : & ne va hors de la ruche, sinon que toutes les Mousches sen voient en turme. Sil ha vue aisse couppee ou endommagee, iamais ne bougent: luy seul est exempt de peine, & ne sert que de admonnester des ouurages. Sil sort dehors par aduis du conseil, chascune met peine de le seruir, & le portēt sil est las, & ou il demeure aussi fait son armee. Sil ha eguillon, du moins il nen vse point. Quand larmee veult sortir de la ruche il est bon à entendre aucuns iours precedentz, car ilz murmurent & sen vont par tempeste. La fu-
mee

mees est vtile pour prendre le miel, quelles ne se courroucent. Souuēt elles ont guerre ou pour leurs limites & fleurs, ou se vne ruche ha faulte de viures elle spo lie lautre, & leur Roy les defend. Sil y ha faulte de viures elles tuent ou chassent les Mouches qui nont point desguillon qui les seruent comme conuerses. Se leur esguillon est rompu ou perdu, elles sont chastrees, & plus ne peuuent faire profit, telles & debiles ont lieu à part pour elles retirer. Elles ont en haine les Brebis, car à peine se peuuent retirer de leur laine. Elles haissent les escreuisses, & si lon encuyt pres de leur lieu, & en sentent lodeur, facilement elles en meurent. Elles ont plusieurs maladies,

ladies, & quand aucunes meurent elles les conuient en bas, iusques à les mettre hors de leurs demeures, comme faisans funerailles: & si leur Roy meurt encores plus. Lors elles portent telle douleur & tristesse quelles ne font rien: par ce, & par trop prendre de leur miel, bien souuent meurent. Elles ont sens de ouyr, & se resiouissent, & assemblent au son d'arain. Quand leur ouurage est tout parfaict elles volēt par l'air, puis retournēt à leur toict. Leur aage est de huiēt ans, & ny ha ruche qui dure plus de dix ans. Iamais ne touchent charoignes, cōme les bords & autres grosses Mousches.

Le miel vient cōme si cestoit sueur du Ciel, saluue des estoilles,
ou

ou iuz de lair, quand au printemps icelle humidité chet sur les fueilles & la rozee : & la masent les mousches, puis par la gorge la reiettent au toict. Le miel au commencement est cler comme caue. Il boult cōme vendenge, & se purge. Le vingtiesme iour il engresse, lors il sendurcit & iette comme escume entour luy vne petite peau. Il y ha maniere de prēdre le miel, car faulte de viande faict desesperer, en aller, ou mourir les mousches, & trop grand abondance les faict inutiles, car elles ne labourēt que autant quil leur est necessaire, & pource la douziesme partie est la part que on leur doit laisser. Du miel se font plusieurs medicamēs seruans à la personne, au-

tres laissent la dixiesme partie, & fil nest plein, mais quasi vuyde, on ny doit toucher. Le miel qui file, à y toucher, nest pas bon: mais quant il se rompt incontinent & que les gouttes reiallent, cest bon signe: aussi le bien odorant de couleur d'or, & doux à gouter, est signe de bonté: le sauvage nest pas si bon que lautre.

Les Araignes ont au corps telle fertilité quelles filent, commencent au mylieu, & font filz moult subtilz: elles font leurs petis comme Vermes.

Scorpions sont venimeux en Orient, & font des petis verms comme œufz dont croissent les petis: mais en Italie ilz font peu de mal, ilz mordent de la queue.

Cicades ont la gorge au ventre

tre & viuēt de rozee, ausi nont
pertuis derriere pour remettre
ce quelles prēnent. Locustes aus-
si font œufz & cheminent sur
terre de leurs pennes, les Parthes
les mengeussent.

Ausi Formis font œufs dont
naiscēt leurs petis, & comme les
bonnes mousches cōmuniquent
leurs labeurs, ilz portēt plus gros
que eulx à la gorge, & en mor-
dant, ilz cachent leur viande en
terre pour viure lyuer. Ilz frayēt
les chemins de leurs labeurs, &
ont sens de diuifer les gros grains
quilz ne puissent germer en ter-
re, & font secher ceulx qui sont
mouilleez. Ilz operent de nuict
en pleine Lune, & au deffault
cessent : les vns obuient aux au-
tres pour les charges, & semble

quilz ayent entre eulx mutuelle colloction en la diligence de leur labour. Entre les bestes seules, ilz se enseuelissent lun lautre quand ilz sont morts.

Le Papillon croist dun petit ver en trois iours, il croist aussi du bois auquel y ha humidité. Il y ha bestes pleines de sang qui meurent quand elles sont soules : car elles nont point dyssue derriere, elles sont engédrees sur les Boeufz, & aucunes fois sur les chiens. En Cypre naiscēt es fourneaux de feu petites bestes volans qui meurēt quand elles sont hors du feu, autres meurent le iour quelles ont vie. Les mouches mortes si elles sont mussees en cendre reuiuent. Toutes les bestes ont leurs cornes creuses,
fors

fors que au bout, excepté le Cerf. Les Asnes d'Inde ont vne corne seule.

L'homme seul ha les oreilles immobiles. Les Lieures dormēt les yeulx ouuerts. Les yeulx des ieunes yronnelles reuiennēt, qui les leur oste.

Les yeulx des hommes principalement demonstrent douleur, fureur, folie ou sagesse, & meure: gros yeulx signifient peu de discretion. Le cœur vit le premier, & meurt le dernier.

L'homme ha huiēt costes, le pourceau dix, le Serpēt trente. Il n'est beste qui ayt oz au ventre. Le Chauefori seul entre les oyseaux à des dentz. L'homme croist iusques à vingt & vn an.

Les oz de cheual ou chien, ia-

mais ne reprennent, à cause de la mouelle liquide qui se perd.

Le sang contient la vie de la personne, luy perdu, elle meurt: ceulx qui ont sang plus gras, sont les plus fortz: qui l'ont plus subtil, sont les plus sages: qui en ont moins, sont plus timides: qui point, plus hebetez: celui de l'asne est le plus gras: le sang du taureau incontinct endurecit: celui des Cerfs & cheures n'est point espais & ne durcit point. L'homme seul chāge de couleur en vn moment.

L'homme pilleux & fort velu est enclin à luxure. Si le poil ne croist à l'homme & la barbe, il est sterile: aussi est la femme à qui ne croist le poil au corps, hors le mēton. Le poil de la barbe ne re-
uient

uient pas comme lherbe du pré coppé, mais la racine il procede.

Il ny ha masse qui ayt apparence de mammelles, que lhomme. La femme en ha deux à lestomac, la vache quatre au ventre, Cheures & Brebîs deux, les truyes dix, aucunes douze: chacun cochon congnoit la sienné, dont il ha esté nourry.

Baleines & Veaux de mer nourrissent leur petis de laiët de mammelles.

Le laiët dune femme est inutile avant le septiesme moys. La vache na point de laiët, auât que elle ayt faiët veau: l'Asnelle ha laiët quand elle commence à porter, & dedens deux iours laisser prendre le laiët de la mere à l'Asnon, est dangereux & mortifere.

Aucunes dames Rommaines se baignoyent en laiët d'Anesses, car il faiët ioindre & estēdre la peau, & lembellit.

Le laiët de Cheures est pire pour faire fromages que celuy devaches. Le laiët des bestes ayās plus de quatre māmelles est inutile à fromages, & celuy de deux, meilleur. Les souuerains fromages sont en Italie. Zoroastes vesquit vingtcing ans de fromages sans sentir le vieil. L'homme ha deux pieds dune mesure & deux bras avec deux mains : le poulce & le petit doigt sont dune mesure, les autres deux aussi dune mesure, & celuy du mylieu est plus long. Chascū doigt ha trois ioinctures, & se ferment en dedens non en dehors. Le poulce
nen

nen ha que deux qui se fermēt obliquement & non pas droiēt comme les autres. Le Cinge est la beste qui plus approche la façon des piedz, des mains, des narines & autres choses de l'homme, car du pied de deuant il se paist, & ha les entrailles semblables à lhōme. A trois ans l'homme ha prins sa demie croissāce de haulteur. Il ha les genoulx & les coudes diuers en plicature, lun en deuant, lautre en derriere. Les animaux qui engendrēt bestes, ployēt les genoulx en derriere, & ceulx qui font œufz en deuant. Les ongles croissent à tous, voire à gens mortz cōme la barbe, & les piedz ne se vsent point au trauail, comme les fers des cheuaulx, mais plus trauail-

lent plus endurcissent. Les oyseaux qui ont ongles ou trois doigtz, & vn au talon, tendent leurs piedz enuers la queüe en volant. Toutes bestes ont piedz en nombre per. Les mousches en ont six, ausi ont les locustes qui faultent, pource que les derriers sont longs. Les genitoires des Loups, Regnards, & Bellettes sont d'os. Les pourceaux les ont ioinctz, & les moutons pendans. La queüe sert aux poissions pour les cōduire, si faiēt elle aux autre bestes, & toutes en ont, excepté lhōme & le Cinge. La voix est seulemēt es bestes qui aspirēt, les autres font son, & murmurent seulement au dedens: lenfant ne rend iamais voix quil ne soit du tout hors du ventre de la mere:
ceulx

ceulx qui plustost parlent plus tard cheminent : la voix est diuerse aux hommes comme la face, & lentendons premier que veoir : elle est plus graue aux hommes que aux femmes. Membres qui croissent oultre nature sont inutiles, comme le sixiesme doigt. Vn fut qui auoit deux yeulx aux derriere de la teste, mais il nen veoit goutte.

Cest chose vaine de plusieurs signes pour iuger des personnes selon l'aristote : mais souuēt aduiennēt adiudicatiōs de briefue vie : à sçauoir peu de dentz, fort longs doigtz, couleur de plomb, plusieurs incisions es mains qui ne vont pas du long. Par le contraire signes de longue vie, cest, ne courber point ses espaules, en
vne

une main deux incisions tout au trauers de la main, auoir plus de trentetrois dentz, amples oreilles. Grand front signifie courage paresseux : petit front, legereté le rond, courroux : si les sourcilz sont droictz non courbes signifie imbecilité : filz tendent fort vers le nez, austerité : filz tédent fort vers les ioues, signifie que la personne est moqueuse : si totalement ilz tendent sur les yeulx, malice & enuie. Longs yeulx signifient malefice : qui ont des coingz charnuz vers les narines, mauuaistié. Quand la partie blanche est estendue, cest note d'imprudence. La magnitude des oreilles signifie garrulité & folie.

Laleine de l'ours est mauuaise, pire du Lyon : le Serpent fuyt
laleine

lalcine de l'Elephant, & la corne de Cerf bruslee, les bōnes mouches arrousees d'huile meurent. Les Scythiens en guerre trēpent les fers de leurs flesches en sang humain & de poison, incontinēt quelles touchēt quelque peu au sang ny ha remede de mort. Les vns mangent les Serpens, & araignes, les autres en mourroyent.

La meilleure viande pour la nourriture de l'homme, cest la simple : car l'accumulation des saueurs est pestifere, & pernicieuse, & le vin rend mauuaise lalcine, sil nest temperé.

A plus grand difficulté on digere entre les viandes les choses excessiues, aigres & prinſes hastiuement. Il y ha plus de peine à lestomac à digerer en l'Esté que
en

en lyuer, & en vieillesse que en ieunesse. Les vomissemens que lon cherche apres les exces rendent les corps froidz, avec douleur es yeulx & es dentz. Les corps croissent & engroississent de vser de choses doulces, grasses, & de boire. Lhomme vit facilement sept iours, sans boire. Le beurre appaise fort la faim & la soif: toutesfois toutes choses excessiues nuisent: mais il est bon de diminuer ce que grieve.

*

LE DOVZIESME

LIVRE EST DES

arbres odorife-

rantz.



Es arbres ont vie que ilz prennent de terre & en y ha deſtranges en diuers païs qui ſont incõgneuz aux autres. Lon arrouſe les arbres ſinguliers au pied de vin qui moult proffite aux racines. Les Parthes qui ont arbres portans laine dont lon faiët cotton, comme diët eſt, ont vn arbre portant pommes que lon ne mange point : mais elles ont merueilleuſe ſenteur, auſſi ont les ſcales, par leſquelles on garde les habits : & touſ-
iours

iours y ha fruiët lun naissant,
 lautre mourant, lautre prest à
 cueillir, & iamais lon nha peu
 faire prendre les greffes ailleurs.
 En Indie y ha boys & arbres qui
 ne bruslent point au feu. Là ha
 esté veu vn figuier de si grand
 estendue & haulteur que les brâ
 ches festendoyent soixante pas
 fees. Il ha la fueille large comme
 vn vent dont le Soleil ne peut
 trâsperfer iusques à terre par de
 dans l'arbre, à ce moyen ne peut
 meurir le fruiët; mais l'ôbre dice
 luy est moult delectable. Il y ha
 aussi es Indes pômiers qui ont la
 fueille de trois couldees de long
 & deux de large, portans si gros
 fruiët que quatre hommes nen
 scauroyent mäger vne pomme.
 Le poiure croist sur petis ar
 bres,

bres, comme icy les geneures. Es Indes il est aucunesfois falsifié par geneures des Indes que lon met par dedans qui ha quelque force, mais non pas tel goust. Il croist assez blanc, mais pour durer on le faiët seicher à la fumee qui le faiët noir, & des buchettes diceluy arbre sechees au soleil lon augmēte lediët poiure, dont lon faiët poiure long. Là y ha autres arbres qui le matin apres la rousée, tendent espeece de miel. En Arabie y ha arbres qui iamaïs ne laissent leurs fueilles, autres qui ont les fleurs qui cōmencent à soleil leuant à se ouurir, à midy sont ouuertes, & apres se refermēt de nuiët iusques au len demain, & disent les payfans que larbre dort. La est larbre de Nar

de pistice, qui rend merueilleuse odeur, & en Arabie des arbres croissent lencens & myrrhe.

Lencens croist en vne forest d'Arabie, seulement en terre dar gille pleine de fontaines qui est à plusieurs personnes qui y succedent. Cest cas pendable dy desrober aucune chose, & se purifient les hommes, & abstiennent des femmes pour le prendre deux fois lan, autrement nen font leur profit. Pardeça on le mixtionne de poix raisine blanche, qui est semblable, mais on congnoit la difference, par la couleur, par la fraction, & par le charbon, car lencens se brusle plus tost, & est plus tost rompu à la dent, que la raisine, qui est grasse. Aussi pres de là sont les arbres portans le
myr

myrrhe, & le mastic. Les Sabiens ne brulent autre boys dont ilz se faschent pour leur senteur. En la mer d'Arabie croissent les marguerites, & autres pierres precieuses.

Cinamome est lescorce dun petit arbre, qui croit en grande multitude en la basse Ethiopie en lieu plein entre les buissons. La meilleure est celle du hault des branches. La moyenne de la tige : & la pire, celle qui est pres de terre, & de la racine. Quand il y ha quelq rosee lesteé, il se cueille à grosse difficulté. L'arbre nha point d'odeur quād il est vert, & se cueille des Soleil leuant iusq̃s à soleil couchāt. Les nauires metēt six mois à charger, ce q̃ lon porte en ces païs d'Ethiopie si chault

pour leur vëdre, verres, vaisseaux
darain & destain, draps, linge.
La pire escorce est celle qui est
molle, blanche ou euentee.

La casse croist es lieux dessus
dictz es arbres de deux couldees
en montaignes & est premiere-
ment blanche, puis deuient rou-
ge, & à meurir noire.

Il y ha dangier des vermis-
seaux qui cauent les bastons &
mangent ce qui est dedans: aussi
entre la casse & cinamome croist
le mirabolane.

Le Basme croist seulement
en vne prouince de Iudee en
deux iardins du Roy, lun conte-
nant enuiron dix arpens, lautre
moins, & vient de petis arbres
de deux couldees de hault à fa-
çon de vigne: il ressemble & est
pro

prochain en gouſt au vin , roux
en couleur & gras : on coupe le
fruiſt de couſteau de verre , de
pierre ou dos , car la branche
meurt deſtre coppee de fer , & ſe
taille pour oſter les ſuperfluitez :
puisen la faiſon lon coppe leſcor
ce ſeulement , & par là ſort la ſe
ue à petite goutte. Il vieillit com
me huile , il eſt braſſe & fraudé
par augmētations dhuyle roſat,
de ſeue de cedres & autres cho
ſes. L'experience du vray eſt que
mis ſur vne robe ne faiſt point
de tache. Il coagule & faiſt pren
dre le laiſt : ailleurs ne peult venir
& y ha danger des verms , car ilz
gaſtēt l'arbre. Alexandre le grād
en vn iour deſté en remplit vne
petite fiole : le gingembre croiſt
en terre & ſont racines.

LE TREIZIESME

LIVRE, EST DES

arbres, pelerins &
estrangers.

Es vnguens odoriferans, & senteurs sont faictz de ces arbres, aucuns pour le plaisir dautruy les achètent chèrement, car ceulx mesmes qui les portēt ny ont point de plaisir, mais est pour le sentiment dautruy, qui est grande vanité.

Les palmes sont en plusieurs especes, & nen y ha de fructiferes que en Orient, car ilz en font du vin, & comme en arbres & fueil les y ha masle & femelle, aussi y ha en cestuy. Le masle florit en la racine, & la femelle oultre la
fleur

fleur germine: ilz portent pommes chascun an: & quand l'arbre est couppé, la racine reiette. Le Phenix naist de ce bois.

Le Cedre croist en Syrie, dont vient la raifine souueraine: celuy qui flourit ne faiët point de fruiët, & celuy qui fructifie ne rend point de fleur, & dure le boys perpetuellement.

Terebinthe croist en petis arbres: les masles sont sans fruiët, & la femelle porte. Les Figuiers de Egypte sont comme moriers, le fruiët vient quatre fois lan, contre le boys, non es fueilles.

Là y ha plusieurs arbres incogneuz, qui ne viennent ailleurs, mesmement ceulx qui portent la bonne gomme. On faiët des cordes de ces arbres, & vtenfil-

les de maison de la racine. On ha trouue à Rome des liures de philosophie en vn sepulcre entre deux pierres, couuers de Cedre, qui y auoyent esté mis, il y auoit cinq cēs trētecinq ans, car le cedre ne pourrit point, & ny ha boys meilleur pour ouurage. Il en est de si haults quō en perd la veüe, & de si gros q̄ lon en p̄senta à Tiberius Cesar vne table de quatre piedz de large, & de soixante piedz de long. Lotton est vn arbre d'Afrique duquel le fruiēt guarist toutes douleurs du ventre tant est doulx, & diceluy fruiēt ferré, sort liqueur comme vin, qui ne dure que deux iours.

Grenades sont en plusieurs especes, doulces, aigres, vineuses: lescorce de laigre est meilleur à
tan

tanner cuirs de cordouan , & la fleur est bonne es tainturiers. Ferulle est vn arbre qui n'a point de corce par dehors, mais au dedens ha grosse mouelle comme fœul. Il ny ha boys plus legier, pource lon en faiet bastons, pour vieilles gës. L'espine que lon dict royale croist en vn iour, & garde le vin de se gaster. Cytisus est vn arbre singulier, le boys est bõ à toutes bestes tant brebis que autres : sil est cuyt en eue en le beuuât il rend es nourrices à force laiët, & faiet les enfans plus fermes & plus grans , & les gelines en pondent . Iamais sur la fleur ne se assiet la mouche . Plusieurs autres arbres estranges sont en la mer qui rompent comme verre, & autres qui sont durs com-

me pierres, & de plusieurs autres
sortes es Isles de mer, que nauons
par deça.

LE QVATORZIES.

ME LIVRE, EST DES
arbres, & plantes
fructiferes.

*



Nciennemēt on sou-
loit auoir plusieurs
arbres de plaisir dont
à present nest nou-
uelle, car chascun estudie à aua-
rice. Entre les plantes le vin est
le principal fruct, & y ha plu-
sieurs especes, & manieres selon
les lieux. Le vin croist de plan-
tes sauuages, & puis chascun an
il les fault tailler & cohiber, au-
trem

trement ilz entouironneroyēt vne ville. A Rome vn Sénateur auoit vne tōbe dun seul sep de vigne: auquel il feit douze muidz de vin. Le vin est le sang de la terre: iceluy prins au dedās le corps de sa nature il est chault, par dehors il est froid. Il est vtile au corps prins par mesure, autrement cest venin. Alexandre le grand vainquit tout le monde, & ne se pouuoit garder de estre vaincu de la force du vin. Le vin n'estoit permis es femmes à Rome. Nous lisons que le Roy Romulus donna facile remission & grace à vn Sénateur qui auoit tué sa femme en beuuant au tonneau. Pource Caton ordonna de baiser les femmes & filles, mesmement aux prochains parents, pour

pour scauoir si elles sentoient le vin. Marc Varro escript dun Consul auquel iamais son filz à Rome ne luy auoit veu faire bāquet pour danger de trop boire, ou plus quil nauoit accoustumé. Anciennemēt fut mis pris à Rome au vin & gabelle, à fin que peu en fust beu:mais depuis Cesar fait de grans banquetz, qui donna occasion de faire prouision à Rome de toutes sortes de vin:le vin fert moult à faire medecines voire seul, on en faict de pommes,& poires & dautres arbres, dont ilz vsent en Orient. Les medecins le font monter & passer par dedans leaue pour les malades ou enterrer par quarante iours. Autres en font dherbes, aucuns deaue & miel,cuyt, qui
dure

dure iusques à cinq ans, ou de miel & de vinaigre : mais il n'est meilleur vin que de ferment: les petis vins doiuent toucher à terre pour mieulx estre gardez : mais non pas les bons. Iamais ne doiuent estre plains. La fleur du vin blanche est bõne. La rouge mauuaise. Par ebrieté les gens reuel-
lent leurs secretz & suscitent noi-
ses: pour leuiter, aucuns boient
huile & autres choses dont
ilz se sentiront, car il sem-
ble quautremẽt on ne
peult espancher le
vin que par
corps hu-
main.

LE QVINZIESME
LIVRE, EST DES
arbres portans
fruiet.



Es Oliuiers ne naissent point pres de la mer , ny en lieu fort froid ne fort chauld. Il les fault tailler comme les vignes , lhuyle doliue est de meilleure saueur quand les oliues commencent à meurir , mais il nen y ha pas tant quand elles commencent à noircir , cest le temps de les prendre , & de leur maturité. Il y ha plus de peine à faire lhuyle , que à faire vendenges : l'Oliue ha noyau , huyle & chair : verte elle est amere , par seicheresse elle amoindrit , combien que la
cha

leur est cause de lhuyle. Le ius de
loliue cest lhuyle: mais elle ne dur
re pas comme le vin, car elle est
meilleure la premiere annee. Au
cuns attendent que l'oliue chee
des Oliuiers, car on domage
l'arbre pour l'an suyuant à enta
mer, ou frapper l'Oliue: & les
branches de l'arbre: quand on les
meine au pressouer lon y faiët
du feu, & se cueillent au cōmen
cement de l'Automne. Les Oli
ues se gardent en sel apres quel
les sont mises en leue bouillant
auant que meurir.

Si l'oliue n'est nette on la laue,
& faiët on seicher par trois iours
ou quatre, & sont arrosees de sel.
On faiët huyle de plusieurs cho
ses, de noix, de glās, de fanne, des
grenes menues d'arbres odorife
rans,

rans, de gomme qui sert à medecines, aussi de noix & amandes ameres, de chastaignes, & plusieurs autres choses selon les pais.

Pommes & poires se gardent en lieu froid & sec, & doiuent auoir le vent de Septētrion, qui est la bise, quand le temps est serain, & non autres ventz : on les doit mettre sur paille separees lune de lautre, quelles puissent auoir air : on ne les doit cueillir deuant pleine lune ne deuant preme.

Les Noix font son en cheant : & entre autres fruiētz sont departies en quatre au dedans avec vne petite peau entre deux, elles engressent de vieillesse, elles se gardent vertes mises en terre dedens des potz de terre, & en faict
lon

LE SEIZIESME

33. LIVRE EST DES

Des arbres fauuages.

*



Le gland est de chesne de diuerse sorte, car les vns sont meilleurs que les autres, & en temps de famine le bon gland seiché se peult mouldre pour faire pain, il est plus doux quand il est fraiz cuit en cendres.

Le chesne est le plus propre à maisonner pour sa lōgue duree. Sil est frappé du tonnerre, il ne rapporte rien ou peu, & est si amer que nulle beste ne le mange que les pourceaux encores se ilz ont faim.

Le Faoul pourte glād ou fan-

L 2 ne

ne qui refiouyft le pourceau. La chair en est plus toft cuitte, & plus vtile à leſtomach. Le pin est hault, il ſue au pied poix raiſine qui reſſemble encens: il demãde lieu froid & moitte, & y ha maſle & femelle.

Tax est vn arbre ſemblable au pin. En Arcadie il est ſi venimeux que lon n'oſe dormir à ſon vmbre, ne mãger ſoubz iceluy: les vaiſſeaux que lon faiſt diceluy bois à mettre vin ſont venimeux, lon diſt que le venin diceluy bois ceſſe quand on met dedens vn clou darain.

Du Freſne la fueille est mortifere aux Iumens, mais elle ne nuit point es beſtes qui ruminẽt. Elle vault à boire le iuz contre les morſures de Serpens, car ia-
mais

mais Serpēt ne se tient à son vmbre quoy quelle soit loing:& qui enuironneroit vn Serpēt desdictes fueilles entour vn feu plustost il se mettroit au feu, que de passer par dedens icelles.

Le Tillot ha masse & femelle, car la femelle seule porte fleurs & semence. Le ius de lescorce & de fueilles est doux, mais iamais beste ne mange du fruiēt. Entre lescorce & le bois y ha plusieurs petites peaulx comme cheneue, dont lon faiēt cordes.

Le Bruse fil estoit grand & gros comme le cedre, iceluy seroit preferé pour sa propriété. Lon faiēt diceluy tables tendans sur le noir.

L'orme est de grande estendue, espaiz & propre pour son

ymbre.

Aucuns arbres sauuages ne perdent iamais leurs fueilles, cōme Cedre, Geneure, Therebinte, Tax & autres. Le Geneure ha pour fueille l'espine.

En aucuns lieux, en Egypte ne croissent aucuns arbres. Autres arbres laissent leurs fueilles, les vns plus tard que les autres, & ny ha differēce que cela aduienne, pource q̄ plustost ilz ont leur fruiēt en maturité, car Amendiers, Fraisnes & Sœufz produisent leurs fruiēt des premiers, & se desnient les derniers.

Le Morier produiēt tard son fruiēt, & des premiers laisse ses feuilles.

Les arbres à la maniere des bestes germinent & conçoynēt,
en

en Ianuier au vent, les vns plus tard que les autres, & selon les pais, & apres droict vent cōmencent à parturir leurs fleurs, & nourrir les fruietz. La vigne seule procree deux fois en vn an.

Les racines sont diuerfes selon la diuersité des arbres.

Escule comme recite Virgile est vn arbre qui ha telle profondeur de racines en terre, comme il monte hault. Le Cypres est tardif à naistre sans fruietz ayant fueilles ameres, odeur violente, & mauuaise vmbre.

Les arbres ont humidité, qui est leur sang, dont ilz viuent, cōme les animaux: ilz ont peau, sang, chair, nerfz, veines, oz & mouelle. Il est des arbres de merueilleuse haulteur & grosseur.

L 4 Vn

Vn sommier fut de six vingtz piedz de long, gros tât que quatre hommes pouuoient embrasser. En Germanie ilz cauēt telz gros arbres, pour nager sur les riuieres, & telz en y ha, qui portent trente hommes. Communement le bois demeure sur leaue, & aucuns sont si pesans, quilz vont au fond. Plusieurs ne pourrissent iamais, cōme le Cedre, Bouys, Geneure & autres. Cedre, Bouys & Cypres, iamais ne sont fendure de leur nature. Portes estoient à Rome de Cypres, de quatre cēs ans faictes, qui ressembloyent neufues. Les vermisseaux gastent aucuns bois, & ne gastent point le Cypres, pour son amertume, ne le Bouys, pour sa force. Les gens d'Alexandre le
grand

grand trouuerent en vne Isle de la mer rouge, Nauires faiçtes de deux cens ans, de bois qui ne se vse point sur leaue, ne aussi se elles demeurent en leaue, effondrees. Les Oliuiers durent deux ans: les vignes, six cens.

Il vous suffira iusques cy, de la moytié dudiçt liure de Plinc: l'autre moytié est tant de lagriculture & nature des vignes, qui nous sont assez congneües par experience, selon la diuerse situation des lieux, que de la propriété de chascune herbe seruant à medicine: laquelle ie delaisse, pour la prolixité & obscurité dicelle: aussi sert plus à la science des medecins, que à nous. Faisant sur ce fin, & louen

et louange à Dieu, qui nous
 a fait en sa garde
 et nous a fait de.
 - Je salue **F I N.** l'histoire

De bien en mieux.

De Changy.